

PAHAYAGAN NG PARTIDO KOMUNISTA NG PILIPINAS
PINAPATNUBAYAN NG
MARXISMO-LENINISMO-MAOISMO

ANG
Bayan

Tomo XXX Bilang 1

Edisyong Hiligaynon

Enero-Pebrero 2000

Editorial

Paslawon sang pumuluyo kag rebolusyonaryo nga kahublagan ang solusyong militar sang reaksyunaryo nga rehimeng US-Estrada



Pareho sang ido buang, wala sang-pamensaron kag hayok nga hayok nga nagmatig-a ang reaksyunaryo nga rehimeng US-Estrada nga gamiton ang solusyong militar sa pagsolbar sang mga halambalan nga pangkatilingban kag mga palaligban sini sa pulitika. Pero parehos sang pasista nga manunudlo niya nga si Marcos, ginakutkot ni Estrada ang kaugalingon nga lulubngan. Labi lamang nga pinadalum ni Estrada ang krisis sang nagahari nga sistema kag nagasulsol sang nagapasingki kag nagapalapad nga mga paghimakas nga

kontrapasista kag kontra-Estrada. Kag pareho sang ginhimo nga pagdugmok sa kamot nga salsalon sang diktadurang Marcos, paslawon sang pumuluyo kag rebolusyonaryo nga kahublagan ang solusyong militar ni Estrada.

Pagpungko pa lamang niya sadtong 1998, dayon nga inilarga ni Estrada ang Operational Plan (Oplan) Makabayan, nga nagatum-ok sa solusyong militar bilang pamaagi sang pagpamatuk sa rebolusyonaryo nga kahublagan. Ini ang nagakaigo nga ginahimo sang reaksyunaryo nga estado sa komprehensibo nga liwat nga pagbakud sang Partido kag rebolusyonaryo nga kahublagan umpisa 1992 bunga sang Ikaduha nga Dungganon nga Kahublagan sa Pagpanadlong subong man sang liwat nga pagsingki sang armado nga

paghimakas sang Moro Islamic Liberation Front-Bangsamoro Islamic Armed Forces (MILF-BIAF) halin 1996. Matapos ipinakita sang Partido ang militanteng kapag-unon, binuy-an ni Estrada bilang mayor nga pamaagi sang pagpamatuk sa rebolusyon ang pangpulitika nga taktika sang kooptasyon kag pagpa-ampo.

Sa idalum sang Oplan Makabayan, dugang nga ginapabaskog ang militar kag pulisya. Subong man, labi nga ginapadaku ang mga hubon nga paramilitar kasubong sang Citizens' Armed Forces Geographical Unit kag mga hubon nga *vigilante*. Katuyuan sang Oplan Makabayan nga armas ang pasista nga pwera nga militar sang mga moderno nga pagkabutang ang kontra-rebolusyonaryo nga mga hubon nga *vigilante* kag pataason ang ikasarang nila sa pagpanilag.

Kadungan man sini ang paglarga sang kampanya nga disimpormasyon kag pagpangguba batuk sa Partido kag Bagong Hukbong Bayan(BHB) kag kontra-komunistang *witch-hunting* batuk sa mga ligal nga organisasyon nga makibanwahanon kag demokratiko.

Sadtong 1999, madasig nga nagtibusok ang popularidad ni Estrada, bumwelo ang mga kontra-Estradang protesta kag mga taktikal nga opensiba sang BHB kag naglala ang krisis sa pagginahum sang rehimeng

US-Estrada. Sa desperasyong pangapinan ang poder sini, dululungan nga binuy-an ni Estrada ang iya mga uhaw-sa-dugong pasista nga tropa kag gindugangan ang kadungan nga kontra-komunista kag kontra-pumuluyo nga kampanya nga propaganda agud pahari-on ang kahadlok sa banwa, takpan ang bibig sang pumuluyo, lupigon ang mga demokratiko nga kinamatarung kag piliton nga balabagan ang madasig nga naga-abanse nga mga paghimakas nga masa kag armado nga pagpamatuk.

Sa subong, ginakonsentrar sang rehimeng US-Estrada ang kusog-panglupok sini sa Nabagatnan Katagalugan kag sa mga lugar sang MILF-BIAF sa Mindanao samtang ginapataas ang ikasarang sini sa madasig nga deployment sang pwera diinman nga lugar sa Pilipinas. Paagi sa mga operasyong brigada-kadakuon, katuyuan sang pasista nga rehimen nga mag-angkon sang mga taktikal nga kadalagan sa tiko nga pagpati nga magsirbi ini nga paktor sa pagpabakod sang iya pagginahum.

Ginihiwat subong ang tuman kapintas nga kontra-rebolusyonaryo nga inaway sa kaumhan kag kasyudaran. Tanan-tanan na ginlapas ang mga kinamatarung nga sibil sang pumuluyo kag ang mga solundan sa gyera kag internasyunal nga tawhanon nga layi. Ginapahulag subong, labina sa kaumhan, ang tanan nga aspeto sang layi militar. Ginapatuman ang polisa sang pagtortur, pagsalbeyds, pagblokeyo sang pagkaon, pambomba, pwersahan nga pagpahalin, ilegal nga pang-aresto kag pag-akusar sang mga kasong kriminal sa mga ginadudahan nga rebolusyonaryo. Sa kasyudaran, ginabasura ang gintawag nga polisa sang "maximum tolerance" sa pag-atubang sa mga demonstrasyon kag ginapatuman ang polisa sang "maximum force" o paggamit sang todong-pwersa agud bungkagon ang mga militanteng rali sang mga mamumugon, estudyante kag iban pa nga sektor.

Base sa mga indi pa kumpletong listahan, ginatantya nga malabawan sang reaksyunaryo nga gubyernong Estrada ang rekord sang diktadurang Marcos kag sang mga masunod nga pasista nga rehimen sa halambalan sang kadamuon sang mga kaso kag biktima sang paglapas sa mga kinamatarung nga pangtawo.

Sa paghalin sa pangpulitika nga pamaagi sang pagpamatuk sa rebolusyonaryo nga kahublagaan, binuy-an naman sang reaksyunaryo nga gubyerno ang pag-abot sang daan nga pakitang-tawo nga pagtahod sa mga kinamatarung nga pangtawo kag sa mga internasyunal nga tawhanon nga layi. Tinapos sang Gubyerno sang Republika ng Pilipinas (GRP) ang negosasyong pangkalinongan sa National Democratic Front of the

NILALAMAN

Editorial.....	1
Tungod sang pagpanalakay sang AFP sa MILF.....	4
Tungod sa mga bihag sang inaway.....	6
Mga taktikal nga opensiba sa TK.....	7
Taktikal nga opensiba sa Negros.....	10
Teroristang pagginahum ng rehimen sa TK.....	11
Ka Sixto Cerna.....	13
Balikatan 2000.....	14
Mga dispersal kag pambubungkag.....	14
Pasistang grupong Baguisa.....	15
Manero: Masupog nga berdugo.....	16
Pagsilot kay Conrado Balweg.....	18
Cagayan Valley: Paghimatuk sa konserbatismo.....	19
Chechnya: Pagpapalapad sang imperyong Ruso.....	22
Balita.....	24

PANAWAGAN

Ang Lupong Patnugot sang **Ang Bayan** ginapangagda sa mga manugbasa nga mag-amo sa pagpauswag sang satong pahayagan sa pamaagi sa paghatag sang mga komentaryo kag mungkahi, mga balita o mga rebolusyonaryong inagihan nga pwedeng ibantala sa aton pahayagan.

ANG BAYAN SA INTERNET

Ang pinakabag-ong isyu sang **AB**, pati na gabos nga isyu halin 1999 makuha sa *internet address* :

<http://angbayan.cjb.net>

Maaaring magpaabot ng mga sulat sa patnugutan ng **AB** sa pamamagitan ng *email address* na:

editors@angbayan.cjb.net

Philippines (NDFP) agud ipawala sang bisa ang Komprehensibong Kasugot sa Pagtahod sa Kinamatarung nga Pangtawo kag sa Internasyunal nga Tawhanon nga Layi kag kuhaon ang ano man nga sablag sa paglarga sang todo-todo nga inaway.

Ginadali-an man ni Estrada nga tapuson ang negosasyong pangkalinongan sang GRP-MILF. Sa pihak sang nagpadayon nga pormal nga negosasyon, tinumpokan sang linibo ka tropa sang Armed Forces of the Philippines (AFP) kag ginlunsar ang dalagkuan nga pagpanalakay sa Camp Omar sang MILF-BIAF sini nga Pebrero. Ini lapas sa mga nauna nga kasugot nga natukod sa tunga sang GRP kag MILF kag direkta nga pagpangutsot sa MILF nga umatras na sa proseso nga pangkalinongan.

Sa kadalukan sini sa inaway lubos nga binabalewala sang pasista nga militar bisan ang interes sang mga tinawo sini nga bihag sang inaway. Sa baylo nga tumbasan ang tawhanon nga tanyag sang NDFP nga hilwayon ang mga bihag sang inaway, katulad nanday Maj. Noel Buan kag PCI Abelardo Martin, ginsugo ni Estrada ang brigada-kadakuon nga operasyon sa Nabagatnan Katagalugan.

Apang layi sang kasaysayan ang nagatakda nga, samtang husto nga nagasunod sa mga taktikang gerilya kag linya sang malawigan nga inaway banwa nga nagasakdag sa interes sang masa kag nagasalig sa ila, tayuyon nga magbaskog kag magdaku ang rebolusyonaryo nga armado nga kahublagan kag amat-amat sini nga paluyahon ang higanteng reaksyunaryo nga hangaway. Para sa Partido kag bilog nga rebolusyonaryo nga kahublagan, ang pagpakatig-a sang reaksyunaryo nga gubyernong Estrada sa solusyong militar sini nagatulod sang labi nga maayo nga sitwasyon para sa komprehensibo nga pag-abanse sang rebolusyonaryo nga hilikuton, labina sa larangan sang armado nga paghimakas.

Kinahanglan nga pataason ang lebel sang paghiliusa kag ikasarang sang BHB. Malahalon nga hiwaton ang pangpulitika nga paghanas nga nakatuon sa pagtuon sa sosyedad kag rebolusyon nga Pilipino, mga dokumento kag direktiba sang Partido, mga partikular nga palaligban sang masa kag ang pag-organisar kag pagpahulag sa ila. Kinahanglan man nga mapatigayon ang paghanas-militar nga nagapataas sa ikasarang sang mga hangaway sa mga maniobra nga pang-opensiba kag dependensiba, pagtudlo kag iban pa nga basehan nga hilikuton-militar; kag sa ikasarang sang mga upisyal sa pagtanya, pagplano kag pagpamuno sa mga operasyon.

Kaangot sini, kinahanglan nga himuslan sang mga yunit


sang BHB ang mga pagtiempo nga birahon ang mga tropa sang reaksyunaryo nga hangaway. Sa mga larangang gerilya, pwede himuslan sang mga hangaway ang bulag nga hulag sang AFP kag PNP, ang manubo nga moral sang ila tropa kag ang indi alalangay nga deployment sang ila mga pwersa. Sa pagpakigbuligan sa masa, subaybayan ang hulag sang mga pasista nga tropa agud makakuha sang nagakaigo nga plano para sa paglunsar sang mga pat-ud nga mapadaog nga taktikal nga opensiba.

Kinahanglan man nga hugton ang paghiliusa sang hangaway kag pumuluyo. Mahimo ini paagi sa pag-atubang sa ila mga palaligban kag paghangad sang ila pagsuporta kag pagbuylog sa armado nga paghimakas. Halin sa ila kubay, malaparan nga magrekluta sang mga ara sa bastante nga edad, may maayo nga rekord kag maayo nga panglawason bilang mga hangaway sang BHB.

Kinahanglan nga pataason ang lebel sang militansya kag kaisog sang masa agud kolektibo nga atubangon kag pamatukan ang pagpamintas sang mga pasista nga tropa kag ipanagil-ot ang hustisya halin sa pagpang-abusar sang mga soldado kag pulis. Ang mga masupog nga yunit kag upisyal sang reaksyunaryo nga hangaway kag pulisya, upod ang pinakamagrabe nga reaksyunaryo nga pulitiko, kinahanglan nga pagbayaron sa ila mga kasaypanan sa pumuluyo.

Paagi sa pagbuyagyag sa katuntohan sang solusyong militar ni Estrada makatipon sang malapad nga suportang pangpulitika para sa armado nga paghimakas. Kinahanglan nga sapakon ang pagpang-akat sang lain-lain nga porma sang suporta para sa hangaway sang banwa halin sa petiburgesyang syudad kag iban pa nga sektor sa kasyudaran. Hingalitan ang tanan nga kahigayunan, upod ang sa masmidya, agud ibuyagyag ang mga abuso kag pagpamintas sang militar kag ang mga paglapas sa mga kinamatarung nga pangtawo, mga internasyunal nga tawhanon nga layi kag solundan sa inaway.

Samtang labi nga nalipay si Estrada sa iya solusyong militar, labi nga nangin talalupangdon ang kawalang-intensyon sang iya pasista nga rehimen nga lubaron ang mga basehan nga palaligban nga pangkatilingban nga nagatulod sang malapad nga pag-antos sang pumuluyo kag krisis sa pulitika kag ekonomiya. Samtang labi nga mapintas ang kontra-pumuluyo kag kontra-rebolusyonaryo nga inaway sang reaksyunaryo nga gubyernong Estrada, labi nga pat-ud ini nga mapaslawan - labi sini nga paibwalon ang nagadabadaba sang rebolusyonaryo nga paghimakas sang pumuluyo nga Pilipino. **AB**



Tungod sa nagapasingki nga pagpanalakay sang AFP sa MILF-BIAF

Komite Sentral
Partido Komunista ng Pilipinas
22 Pebrero 2000

Aroganteng probokasyon kag lansakang pagpasipala sa nagaluntad nga proseso nga pangkalinongan sa tunga sang MILF kag GRP ang dalagkuan nga opensibang militar sang AFP batuk sa Camp Omar sang MILF-BIAF halin sadtong Pebrero 19, bisperas sang nakatalana nga torno sang pagsugilanon sang mga *negotiating panel* sang MILF kag GRP.

Mado-on nga ginapakamalaut sang Partido Komunista ng Pilipinas ang wala sang paghugar nga pagbuno sang AFP sa likod sang MILF-BIAF. Ang kaluiban nga ini daku nga insulto sa pagsinugilanon nga pangkalinongan kag sa kasugot sa untat-lupok sa tunga sang MILF kag GRP. Labi nga nagtuga ini sang sobra nga kakibang kag kahalitan sa kinaandan nga pumuluyo nga Moro kag indi-Moro sa tunga kag nabagatnan-nakatungdan nga Mindanao.

Lubos nga ara sa rason ang MILF-BIAF nga himuon ang tanan nga tikang nga militar, pangpulitika, diplomatiko kag iban pa agud lubos nga pamatukan kag paslawon ang buang nga pagpanalakay sang reaksyunaryo nga rehimeng US-Estrada. Tuman kaathag nga lubos nga salabton sang reaksyunaryo kag uhaw-sadugong rehimeng US-Estrada ang indi malayo nga padayon nga pagpukan sang pagsinugilanon nga pangkalinongan sang MILF kag GRP kag ang mas malapad kag mas malala nga inaway.

Katungdanan sang Partido kag tanan nga kaalyadong organisasyon sini sa NDF nga ubos-masarangan nga suportahan kag buligan ang mga rebolusyonaryo kag progresibong pwersa nga Moro nga wala untat nga ginasalakay sang mga pwersa nga reaksyunaryo, papet kag pasista nga nakabase sa Maynila. Sigun ini sa kasugot sang NDF kag MILF sa kooperasyon kag pagsuportahan nga pinirmahan sadtong Hulyo 24, 1999 kag hugot nga ginapangayo sang rebolusyonaryo nga prinsipyo. Gani nagapanawagan ang Partido Komunista ng Pilipinas para sa dugang nga pagpasingki sang mga taktikal nga opensiba kag mga protesta kag paghimakas nga masa sa kaumhan kag kasyudaran sa bug-os nga kapuluan.

Sa direkta nga pagpamuno ni Gen. Angelo Reyes, hepe sang AFP, ginatos nga tropa sang 2nd Scout Ranger Battalion kag iban pa nga tropa sang AFP nga suportado sang mga kanyon, mga eroplanong panggera, tangke kag salakyan nga armored ang nagsalakay sa Camp Omar sa Shariff Aguak, Maguindanao. Ang Camp Omar isa sa mga nagapanguna nga kampo sang MILF nga ginakilala sang GRP pareho sang ginatalana sang Second Joint Acknowledgment nga pinirmahan sang mga panel sang duha ka partido sadtong Oktubre 6, 1999.

Ang kampo man nga ini ang sinalakay sang mga tropa sang AFP sadtong Enero 9-12 samtang masako ang MILF sa pangamuyo nga pagtapos sa Ramadan,



ang pinakaimportante nga tuigan nga pistang pangrelihiyon sang mga Muslim sa bilog nga kalibutan, luwas sa bisperas sang isa pa nga nakatalana nga torno sang pagsugilanon sang mga panel sang MILF kag GRP.

Ang paliwat-liwat nga pag-atake sang AFP tubtob sa indi lubos nga nasakop ang kampo isa ka tikang lamang sa malaut nga padihotsang mga mataas nga nagapamuno sang GRP sa idalum sang rehimeng US-Estrada nga wasakon ang proseso nga pangkalinongan kag todo nga ilarga ang daan nga napaslawan nga solus-yong militar. Kadungan sang Oplan Makabayan batuk sa BHB, ginpatuman sang AFP ang Oplan


Pisces Alpha batuk sa MILF-BIAF. Sa pagsulod sang tuig nga 2000 gin-umpisahan nga ipatuman sang AFP ang bag-o nga Campaign Plan Balangai nga nakatuon sa pagpalapad kag pagpasingki sang mga opensibang militar batuk sa mga rebolusyonaryo nga pwersa (partikular ang NDF kag MILF) sa bilog nga pungsod.

Gani, pagkatapos pukanon ang pagsinugilanon nga pangkalinongan sang NDF kag GRP, ang pagsinugilanon nga pangkalinongan sang MILF kag GRP ang ginaguba sang rehimeng US-Estrada. Ginapasingki ang mga armado nga pag-atake, sunud-sunod nga ginapanaog ang mga arbitraryo kag indi matarung nga kundisyon nga wala sang iban nga kahulugan kundi ang direkta nga pagsurender kag pagkriminalisa sang MILF sa kaugalingon, paliwat-liwat nga ginalapas ang natukod nga mga kasugot, luwas sa ginapilit ang arbitraryo kag indi matuod nga dedlayn.

Sadtong 1999 ginsaylo sa Mindanao ang dugang nga pito ka batalyon sang Philippine Army, duha kag katunga nga batalyon sang Scout Rangers kag anum ka batalyon sang Special Forces. Ginkonsentra man sa tunga nga Mindanao ang daku nga bahin sang salakyan nga armored, tangke kag helikopter kag eroplanong panggera sang AFP. Ang bilog nga 6th Infantry Division, isa ka brigada sang 3rd Infantry Division kag isa ka brigada sang 4th Infantry Division nagtukod sang daku nga koral sang armor kag opensibang kusog nga nagapalibot sa mga nagapanguna nga kampo sang MILF-BIAF sa Maguindanao, Lanao del Sur, North Cotabato kag Sultan Kudarat.

Halin Nobyembre 1999 nagsako ang pagsalakay sa mga kampo sang MILF, mga menor nga kampo sa umpisa kag sa ulihi mga dalagku nga kampo nga pareho sang Camp Omar. Malaparan nga ginabug-os kag ginaarmasan liwat ang mga ginakangil-aran nga pasista nga CAGU, *vigilante* kag kultista pareho sang Tadtad. Dugang nga ginapalapad ang pagpanilag sa mga rebolusyonaryo nga pwersa kag kinaandan nga pumuluyo. Kag ang mga indikasyon nagpabatyag sang liwat nga pagbuhi sa buang nga kampanya sang henosidyo pareho sang ginhimo ni Marcos, ang pasista nga amo kag manunudlo ni Estrada. Paagi sa pag-atake kag lain-lain nga klase sang presyur, ang MILF ginaipit pakadto sa kapitulasyon o indi gani ginalagas nga sobra nga magpaluya kag magbuloglag.

Ultimong katuyuan sang todo nga militarisasyon, armado nga probokasyon kag pagpanalakay kag pasista nga paglupig



sang rehimeng US-Estrada ang pagsugpo sa paghimakas sang pumuluyo nga Moro para sa pagdesisyon-sa-kaugalingon. Kadungan ang pagseguro nga waay bayad kag luwas nga magamit sang mga tropang US ang tunga kag nabagatnan-nakatungdan nga Mindanao para sa ila mga kinahanglanon sa pagbase, maniobra kag suplay kag maagaw sang mga monopolyong korporasyong dumuluong ang mga deposito sang lana kag *natural gas* sa Liguasan Marsh kag palibot.

Pero labaw sa suhetibo nga kagustuhan sang rehimeng US-Estrada ang madasig nga paglala sang krisis sa ekonomiya kag pulitika sang reaksyunaryo nga nagahari nga sistema. Malala nga nabuyagyag kag nahamulag ang reaksyunaryo, papet kag pasista nga nagahari nga grupo nga Estrada. Mangin sa kubay sang mga reaksyunaryo madasig nga nagalapad kag nagapalala ang disgusto sa kagarukan, kabruskuhan kag pasala-sala nga palakat ni Estrada. Madasig nga nagalapad kag nagabaskog ang armado kag indi armado nga pagpamatuk sa nagahari nga rehimen kag sa gabok nga sistema nga malakolonyal kag malapyudal nga ginapangapinan sini. Ang padayon nga nagauswag nga angtanay kag pagbinuligay sang MILF kag NDF daku nga tulod sa mas madasig pa nga pag-abanse sang rebolusyonaryo nga paghimakas sa bilog nga kapuluan kag magabunga sang mas mabug-at pa nga bunal sa reaksyunaryo nga gahum kag kusog.

Ang pagpasipala sang nagahari nga rehimeng US-Estrada sa pagsinugilanon nga pangkalinongan kag mga kasugot sa tunga sang MILF kag GRP, kag antes sini, sa pagsinugilanon nga pangkalinongan kag mga kasugot sa tunga sang NDF kag GRP, nagamurarang nga mga pruweba sang sarado nga pamensaron sang imperyalismo nga US kag mga lokal nga reaksyunaryo nga idu-ido nila kaangot sang pinakamalala nga mga reklamo sang malapad nga masa sang pumuluyo nga Pilipino. Ginatudlo sang paliwat-liwat nga mapait nga inagihan nga indi bisan san-o makasalig sa pagpangabay kag pagpakig-estoryahanay sa mga reaksyunaryo nga nagahari nga sahi agud malubad ang mga basehan nga problema nga pungsudnon kag pangkatilingban sang pumuluyo nga Moro kag bilog nga pumuluyo nga Pilipino.

Agud pangapinan ang ila pungsudnon, pangkatilingban kag pangpulitika nga kinamatarung kag interes, dapat magsalig ang pumuluyo pangunahon sa lubos nga pag-abanse sang rebolusyonaryo nga armado nga paghimakas tubtob sa maagom ang lubos nga kadalag-an. **AB**

Mga bihag sang inaway

Sinasabotahe sang rehimeng US-Estrada ang pagpahilway kanday Martin kag Buan



Sinasabotahe sang rehimeng US-Estrada ang paghilway sang mga bihag sang inaway nga sanday Philippine Army Maj. Noel Buan kag P/Chief Insp. Abelardo Martin. Sa baylo nga hawanan ang dalan para sa maayo nga pagpahilway sang Bagong Hukbong Bayan (BHB) sa mga bihag sang inaway, ginsugo ni Estrada ang labi nga pagpasingki sang mga operasyong militar sa Nabagatnan Katagalugan.

Sini nga Enero 12, pinirmahan sang NDFP *negotiating panel* kag sang *humanitarian and peace mission* nanday Sen. Loren Legarda, Bishop Jesus Varela kag Supreme Bishop Tomas Millamena ang isa ka Memorandum sang Pag-intindihan kaangot sang mga bihag. Kaundan sini ang mga tikang para sa maayo nga pagpapahilway sa mga bihag, upod ang suspensyon sang bista sang Pangrehiyon nga Kumand sa Operasyon sang Nabagatnan Katagalugan sang BHB kanday Buan kag Martin; kag pagkuha sang *humanitarian and peace mission* halin sa Gubyerno ng Republika ng Pilipinas (GRP) sang mandu nga pauntaton ang mga operasyong militar kag pag-atras sang pwersa halin sa pila ka lugar sa rehiyon.

Sa baylo nga tagaan-pabor ini nga Memorandum sang Pag-intindihan kag agumon ang mahapos nga solusyon para sa pagpahilway sang mga bihag sang inaway, ginsugo sang GRP ang wala untat nga mga operasyong brigada-kadaku sa idalum sang Southern Luzon Command kag sang 2nd Infantry Division sang Philippine Army. Luwas sa ginaupangan sini ang maayo nga pagsinapo sang Pambansang Komiteng Tagapagpaganap ng NDFP agud tagaan-kunsiderasyon ang Memorandum sang Pag-intindihan, nagahalit sini sa dalagkuan nga pamaagi ang palangabuhian kag mga kinamatarung sang pumuluyo sa Nabagatnan Katagalugan.

Ginpahulag sang GRP sa ginhingadlan nga mga operasyong pagluwas ang Task Force (TF) Banahaw, TF Seagull kag TF Panther kag sang 201st Bde sang 2nd Infantry Division.

Direkta nga kabaliskaran sang maayo nga pagtrato


sang BHB kina Buan kag Martin, kag kontra sa mga solundan sa inaway, wala sang kaluoy nga gin-pabudlayan kag pinatay sang mga pasista nga ido sang 5th Scout Ranger Coy kag 49th IB si Ka Sixto (Armando Cerna Jr., 45) matapos madakop sa isa ka inaway sa Victoria, Oriental Mindoro sadtong Enero 29 (*lantawon ang kaangot nga artikulo*).

Ang pagdakop kanday Buan kag Martin isa ka tawhanon nga tikang sang BHB. Liw-as sa polisa sang GRP sang pagpreso kag pagpasaka sang mga kasong kriminal o pagpabudlay kag pagpatay sa ila mga nadakpan, polisa sang BHB nga arestuhon bilang mga bihag sang inaway ang sin-o man nga madakop o mag-ampo sa mga inaway.

Ginataga-an pagtahod sang BHB ang kinamatarung sang mga bihag sang inaway sigun sa mga internasyunal nga tawhanon nga layi kag mga solundan sa inaway. Ginakilala ang ila kinamatarung nga magpangapin sa kaugalingon sa isa ka matarung nga bista. Ang desisyon nga hilwayon ang mga bihag pwede bug-uson base sa mga kunsiderasyon nga tawhanon kag pangpulitika.

Bangud sa pagpakatig-a sang rehimeng US-Estrada nga lubaron ang palaligban sang mga bihag sang inaway paagi sa wala sang rendang mga operasyong militar, sa baylo nga sa mahapos nga pamaagi sang negosasyon, ang pagpahilway kanday Major Buan kag P/Chief Inspector Martin madugayan sang husto. Responsibilidad ni Estrada kon bangud sa mga operasyong nga ini masamaran ang mga bihag sang inaway lakip ang mga nagatatap sa ila. Samtang indi positibo nga ginabuylohan sang reaksyunaryo nga rehimen ang mga tikang sang NDFP, pwede bawion sang NDFP *negotiating panel* ang pag-endorso sini sa pangabay sang *humanitarian and peace mission*. Samtang ara sa pagtatap sang BHB ang mga bihag sang inaway, nagapabilin ang kinamatarung sang BHB nga padayon nga imbestigahan ang mga ini para sa posible nga bista. **AB**

13 taktikal nga opensiba sang BHB sa Nabagatnan Katagalugan sadtong 1999, tanan kadalag-an!



Sa espiritu sang lubos nga pagpamatuk sa Oplan Makabayan sang rehimeng US-Estrada kag pag-abanse sang gerilya nga pagpakig-away sa isa ka bag-o kag mas mataas nga lebel, ginlunsar sang Bagong Hukbong Bayan (BHB) sa lima ka prubinsya sang Nabagatnan Katagalugan ang pito ka reyid, isa ka ambus, duha ka operasyong isparo kag isa ka espesyal nga taktikal nga opensiba. Sa mga opensibang ini, umani ang BHB sang 25 mga matag-as nga kalibreng armas, isa ka M72-A2 (*anti-tank weapon*) kag 22 malip-ot nga pusil. Ginpanguha man sang Hangaway ang mga kagamitan nga pangkomunikasyon, ginpenahan ang isa ka upisyal sang pulisya kag binihag ang duha ka upisyal sang AFP kag PNP. Pinakayabi nga paktor sa kadalag-an sang tagsa taktikal nga opensiba nga ini ang suporta sang malapad kag madalum nga baseng masa nga padayon nga nagasakdag sa Hangaway kag naga-saulog sa mga kadalag-an sini.

Enero 7. Nireyd sang isa ka platoon sang BHB ang detachment sang PNP sa Barangay Pagbahan, Sta Cruz, Occidental Mindoro. Nakuha ang isa ka M16 kag isa ka kalibre.45 pusil. Ipinadala sa ospital ang napilasan nga pulis kag gintutdan ang detachment pagkatapos. Pagka-agi sang tatlo ka adlaw, ginpaslaw sang pwersa nga panglambat sang BHB ang pwersa nga ginpangreimpors sang kaaway. Napilasan ang isa ka Pulang hangaway pero nakaatras ang mga kaupod. Nagdalaog ang pagpina sa mga pulis nga aktibo nga nagpagamit sa despotiko nga daku nga agalon nga mayduta nga si Abeleda.

Pebrero. Ginpenahan sang BHB ang JAC Liner Company sa pagbalibad magbayad sang nagakadapat

nga rebolusyonaryo nga buhis. Sinunog sang isa ka tim sang BHB ang isa ka bus sang JAC Liner. Sa operasyon nga ini piska man sang isaka kalibre isa ka pulis nga sakay sini.

Pebrero 13. Nireyd sang isa ka platoon sang BHB Batangas ang rantso sa Sidlangan nga ni Jejomar Binay, nagapamuno sang Metro Manila Development Authority, sa Barangay Bayawang, Rosario. Dinis-armahan sang BHB ang *private army* kag mga bantay ni Binay nga nagakahas sa mga mamumugon kag pumuluyo sa rantso kag mga katupad nga lugar. Ang reyid pagsilot man sa pagbalibad ni Binay nga magbayad sang rebolusyonaryo nga buhis.

Nakumpiska ang duha ka M16, isa ka M14, duha ka de-sabog, tatlo ka granada, tatlo ka *rifle grenade*, isa ka 9 mm, isa ka pistolang .380, duha ka .38, madamo nga bala kag iban pa nga pagkabutang nga militar.

Mayo 6. Nireyd sang pito-katawo nga yunit sang BHB ang balay ni Captain Abarrientos sang Philippine Army sa Pangil, Laguna. Paagi sa pagpaniplang, nakasulod ang BHB sa balay ni Abarrientos dampi sa ika-7 sang gab-i sang makumpirma nga wala didto ang upisyal. Nakuha ang tatlo ka ripleng garan kag isa ka *baby* M16 sang wala sang lupukan. Nagpaathag anay ang mga kaupod sa pamilya kag iban pa nga tawo didto kag nagpa-andam batuk sa mga may armas nga naga-abuso sa masa.

Mayo 14. Alas-8 sang gab-i ginsalisihan sang isa ka iskward sang BHB ang *bunkhouse* ni Navy Captain Togonon sa Sityo Absukot, Barangay Tubili, Paluan,


Occidental Mindoro. Wala sang-upang nga nakuha sang mga kaupod ang isa ka *baby* M16, mga bala, isa ka *baby chainsaw* kag isa ka magasin sang .45. Pagpina ini sang BHB sa hubon sang sindikato sang mga pirata nga nagapangbiktima sa pumuluyo sa bahin nga Paluan tubtob sa Isla sang Lubang.

Hunyo 10. Inambus dampi 8:40 sang aga sang isa ka iskwad sang BHB ang lima ka maton sang despotiko nga agalon nga mayduta nga si Ding Quintos sa Sityo Kasuy, Barangay Balansay, Mamburao, Occidental Mindoro. Ang mga maton responsable sa pagpatay kag pagpalayas sa mga mangunguma sa duta nga ginakuha ni Quintos. Ginkuha sang BHB ang isa ka karbin, isa ka *shotgun* kag isa kal.38.

Hunyo 15. Ginpenahan sang anum-ka tawo nga tim sang BHB si Brgy. Kap. Max Lemeta sang Barangay Calayo, kag ang tatlo pa niya nga kaupod sa Barangay Wawa, Nasugbu, Batangas. Kinumpiskahan sila sang isa ka 9 mm kag isa ka magasin. Ang apat responsable sa mga pagkuot kag pagsalbeyds sa mga lider-mangunguma nga nagapamatuk sa pagpalayas sa ila sa Hacienda Looc, Nasugbu.

Hulyo 6. Madinalag-on ang espesyal nga taktikal nga opensibang pambibitag (*entrapment operation*) kay Army Maj. Noel Buan, hepe sang manugpanilag sang Southern Luzon Command (SOLCOM). Nadakpan kag madasig nga nailayo sang BHB si Buan halin sa Laguna. Napabilin nga likom ang pagkadetine sa iya tubtob sa ideklara nga bihag sang inaway sadtong una nga semana sang Disyembre.

Oktubre 11. Naglunsar sang isa ka operasyong pagpanglimpyo ang isa ka platun sang BHB sa duha ka magkatupad nga baryo nga ginapugaran sang mga malain nga elemento. Dumiretso ang BHB sa Barangay Matipunso, San Antonio, Quezon kag nakita ang target nga kapitan sang barangay kag ang anak sini. Boluntaryo nga pinakita sang mag-amay ang ila .45 kag 9 mm nga pusil nga matiylang sang mga kaupod nga sila mga soldado nga nag-inspeksyon. Ginpagwa na man sang mag-amay ang ginatago nga M16, M14 kag kalibre .38 matapos ►



Daku nga bunal sa gintingub nga mga gagmay nga kadalag-an

Sisenta kag isa ka pilas sa lawas sang kaaway ang gintuga sang lain-lain nga mga gagmay nga operasyon sang BHB sa Nabagatnan Katagalugan sadtong 1999.

Naglab-ot sa 53 ang patay kag kapin 14 ang napilasan, upod ang mga soldado, pulis, paramilitar kag mga malain nga elemento.

Nakaagaw ang BHB sang apat ka M16, duha ka M14, anum ka .45, napulo ka .38, lima ka .22, isa ka pistolang 9 mm, walo ka *shotgun*, 25 lain-lain nga magasin kag mga bala. Dugang pa, nakuha sang Hangaway halin sa kaaway ang tatlo ka radyo nga VHF, isa ka baruto, isa ka motorsiklo kag iban pa nga pagkabutang. Nakaagaw man ang BHB sang mga dokumento halin sa mga oportunistang traidor.

Sa bahin sang Hangaway, isa ka Pulang hangaway ang nangin martir, kag isa pa ang indi malala nga napilasan.

Ang mga operasyon gina-updan sang mga opensibang naitransporma sang Hangaway halin sa depensiba, pagsilot sa mga gagmay nga hubon sang mga oportunistang traidor, paghatag sang rebolusyonaryo nga hustisya sa mga may mga mabug-at nga sala sa pumuluyo kag pagkapaslaw sa mga padihot sang berdugo nga kaaway nga wasakon ang rebolusyonaryo nga paghiugyon nga nagaluntad sa mga baryo. **AB**

Gikan sa "Mga gagmay nga taktikal nga opensiba sang BHB sa lain-lain nga prubinsya sang TK sadtong 1999", pahayag sang Pangrehiyon nga Kumand sa Operasyon sang Nabagatnan Katagalugan

Padayon sa 2000

Padayon nga paglunsar sang mga taktikal nga opensiba ang bungad sang Nabagatnan Katagalugan sa tuig nga 2000.

Isa ka soldado sang Philippine Army ang napatay kag duha ang grabe nga napilasan sang lambatan sila sang mga gerilya sang BHB sa Laguna sini nga Pebrero 15. Ang tatlo ka soldado nga upod sa 9th Scout Ranger Coy sakay sa isa ka Kennedy-type nga dyip sang sila ambuson sa haywey sa Barangay Amuyong, Mabitac, malapit sa dulunan sang Laguna kag Rizal.

Samtang, tatlo ka elemento nga naghatag sang kahalitan sa pumuluyo kag rebolusyonaryo nga kahublagan ang ginpenahan sang BHB sini nga Enero kag Pebrero. Duha ka kalibre .45 ang nakuha halin sa mga operasyon nga ini.

Sini nga Pebrero 6, ginpenahan sang BHB si Oscar Aldaba, alkalde sang San Teodoro, Oriental Mindoro. Si Aldaba daan nga major kag upisyal-manugpanilag sang Philippine Army. Upod sa iya mga kontra-rebolusyonaryo nga krimen ang pagdukot sa isa ka daan nga Pulang hangaway kag pagpatay sa isa ka lokal nga lider masa.

Ginpenahan man si Capt. Henry Oben sa Sampaloc, Tanay, Rizal sini nga Enero 15. Si Oben nakadestino sa 2nd Infantry Division nga nakabase sa Camp Capinpin sa Tanay. Nakuha halin kay Oben ang isa kal.45.

Sini nga Enero 4 naman ginpenahan si PO2 Tito Corpuz sa Barangay Fatima, Mamburao, Occidental Mindoro. Si Corpuz nga upod sa Provincial Police Mobile Group umid sa mga hilikuton nga pagpanilag. Nakuha gikan sa iya ang isa kal.45. **AB**

◀ mapilitan ang mga kaupod nga magpakilala nga BHB. Nakuha pa ang isa ka M1 karbin, isa ka 9 mm kag duha ka radyong pangkomunikasyon.

Oktubre 22. Ginpenahan sang anum-katawo nga tim sang BHB ang hepe sang pulisya sang San Teodoro, Oriental Mindoro nga si P/Insp. Leodecario Turno samtang nagapauli siya sa iya istasyon. Nakuha sa iya ang isa ka.45.


Oktubre 30. Nireyd sang isa ka iskward sang BHB ang *compound* sang Keangnam Construction Company, isa ka kumpanyang Koreano sa Sta. Rosa, Mulanay, Quezon bangud sa pagbalibad magbayad sang buhis base sa mga layi sang demokratiko nga gubyerno nga banwa. Onse ka trak kag iban pa nga kagamitan nga pangkonstruksyon ang gintutdan. Ginpanguha man ang mga kagamitan nga pangtalatapan.

Nobyembre 1. Inatake sang 12-katawo nga yunit sang BHB ang istasyon sang PNP sa Pola, Oriental Mindoro dampi ika-8 sang gab-i. Gilayon nakuha sa *armory* ang duha ka M16, isa ka M14 kag isa ka *anti-tank weapon* (M72-A2). Naagaw man sang BHB ang duha pa nga .45, isa kal.38, isa ka 9 mm, mga bala kag magasin, isa ka VHF *base radio*, isa ka *colored TV*, duha ka makinilya kag iban pa nga kagamitan nga militar.

Nobyembre 3. Sorpresa nga inatake dampi udto sang pinagamay nga platon sang BHB ang istasyon sang pulis sa Dolores, Quezon. Mismo ang naka-pistola nga hepe, si PCI Abelardo Martin, ang gilayon nga natupadan kag natiplang sang mga kaupod. Dinis-armahan ang hepe kag ang duha niya nga tinawo samtang ginapanguha ang mga hinganiban kag iban nga gamit militar.

Nakontrol sang mga kaupod ang banwa sa sulod sang 10 minuto sang maipwesto sa iya-ya nga hilikuton ang iban pa nga elemento sang platon. Binihag sang BHB si Martin.

Nakumpiska sa reyd nga ini ang lima ka M16, isa ka M14, duha ka 9 mm, apat kal.38, apat ka *rifle grenade*, mga bala, duha ka *base radio* (HF kag VHF), isa ka VHF *handheld radio*, isa ka *colored TV* kag mga kagamitan nga militar. **AB**



Gikan sa pahayag sang Pangrehiyon nga Kumand sa Operasyon sang Nabagatnan Katagalugan

Liwat nga paglunsar sang mga taktikal nga opensiba sang BHB sa Negros

Ginsugata sang BHB sa Negros ang bag-o nga milenyo paagi sang paglunsar sang mga madinalag-on nga taktikal nga opensiba batuk sa mga pasista nga tropa kag armado nga goons sang mga reaksyunaryo nga kaaway.

Natuman ang madugay nga ginahandum sang pumuluyo kag rebolusyonaryo nga pwera halin pa sadtong 1994-99!

Sini nga Pebrero 5, isa ka soldado kag anum ka elemento sang Civilian Armed Auxilliary (CAA) ang inambus sang yunit sang BHB sa Namolo 2, Barangay Santol, Binalbagan, Negros Occidental dampi 5:15 sang hapon. Napatay si Cpl. Domingo Romero sang 11th IB kag duha ka CAA. Isa ka CAA ang napilasan kag tatlo ang ginpabay-an nga makapalagyo.

Nakibot kag indi nakabato ang kaaway. Hubog sila samtang nagalakat gikan sa sugalan kag kuno pino-proteksyunan nila pero kinikililan sa kada Sabado. Apat ka M14 kag mga bala ang naagaw halin sa 10-minutong engkwentro.

Ang inambus nga yunit bahin sang mga tropa sang detatsment sang mga sundalo sa Tilangkoy nga ginagamit sang mga *warlord* pareho ni Alfredo Montelibano Jr. Ang yunit ginakongkong ni Montelibano agud mag-panggamo sa mga mangunguma sa lugar.

Sini nga Enero 11, dampi 11:30 sang aga, madinalag-on nga dinis-armahan sang isa ka yunit-gerilya ang pribadong *goons* sang despotiko nga manuglanggab sang duta nga si Mr. Yap sang Guihulngan, Negros Oriental. Indi nakabato ang mga maton. Isa ka de-sabog kag apat kal.38 ang gin-agaw halin sa ila.

Ginapakita sang mga kadalag-an nga ini nga pinasahi lang nga sa armado nga paghimakas epektibo nga nabatuan ang ginasunod nga “kalinungan” sang mga reaksyunaryo.

Sa Negros, ang mga reaksyunaryo ginatiglawas pangunahon sang paksyong Cojuangco. Ang alyansa sang Cojuangco-Marañon-Zayco sa idalum sang United Negros Alliance (UNA) sa Negros Occidental kag ang


kahimbon nga paksyong Paras sa Negros Oriental isa ka alyansa sang mga kroni ni Marcos, *warlord* kag *druglord* nga nagatuyo nga maghari sa lokal nga ekonomiya kag pulitika. Ang promosyon sang berdugong kumander nga si Julius Javier bilang nagapamuno sang 3rd ID kag ang pagbalik niya sa pag-abot sang daan nga kumand sang kriminal nga batalyong 11th IB, ang nagkumpleto sa pasista nga makinaryang pulitiko-militar sang mga reaksyunaryo nga nagatuyo nga palawigon pa ang madugo nga kasaysayan sang pagpanghimulos kag pagpamigos sa pumuluyo sang Negros.

Gani husto lamang nga isaulog sang malapad nga pumuluyo ang liwat nga paglunsar sang mga taktikal nga opensiba sa Negros. Panahon nga para sa mga ginahimuslan kag ginapigos nga ipanagil-ot ang kabayaran halin sa mga reaksyunaryo nga panatiko nga may utang nga dugo, pareho ni Cojuangco kag iban pa nga mga kumprador kag agalon nga maydutang kroni sang Marcos.

Ang liwat nga paglunsar sang mga taktikal nga opensiba panawagan man sa mga katapu sang CAFGU kag mga kinaandan nga hangaway sang AFP-PNP nga maghalin o likom nga makipagkita kag makipag-abyan sa BHB agud sekreto nga magbuligay sa armado nga rebolusyonaryo nga kahublagan.

Nagapanawagan man kami sa mga katapu sang RPM-RPA-ABB nga isikway kag bayaan ang bandidong pamunuang Tabara-Calizo-de la Cruz-de los Reyes, mga kainuman ni Estrada. Sugod pa sadtong 1993 ginsikway nila ang armado nga paghimakas kag nagamit lamang sang mga armado nga yunit agud pagtakpan ang ila pagka kontra-rebolusyonaryo. **AB**

Gikan sa pahayag ni Bayani Obrero sang BHB- "Boy" Gatmaitan Command sa Isla sang Negros, Pebrero 10, 2000




Hayagan nga pasista kag teroristang pagginahum sang rehimeng US-Estrada sa Nabagatnan Katagalugan

Indi kinahanglan nga ideklara sang rehimeng US-Estrada ang layi militar kay nagaluntad sa Nabagatnan Katagalugan ang hayagan nga pasista kag teroristang pagginahum nga ala-Marcos. Wala sang untat ang mga makahas nga pagpanalakay sang mga berdugo nga tropang pang-engkwentro sa bug-os nga Nabagatnan Katagalugan. Wala sang ginaatubang ang siyam nga batalyon sang Philippine Army (PA), tatlo ka batalyon sang Marines, duha ka espesyal nga batalyon kag Provincial Mobile Group (PMG) sang Philippine National Police (PNP) kag pila ka kumpanya sang Citizens' Armed Forces Geographical Unit kundi ang maghiwat sang lain-lain nga makangilidlis nga krimen sa mga pumuluyo sang rehiyon. Ang lain-lain nga sektor sang masa nga anakbalhas sa kaumhan kag kasyudaran kag iban pa nga pumuluyo sang rehiyon saksi sa adlaw-adlaw nga hayagan nga paglapas sang rehimeng US-Estrada sa mga kinamatarung nga pangtawo.

Ang malaba nga listahan sang pasista nga krimen sang rehimen ginatampukan sang pagmasaker, pangsalbeyds, iligal nga pagdakop, kriminalisasyon sa mga ginadudahan nga katapu sang Bagong Hukbong Bayan (BHB), blokeyong pang-ekonomiya, pambomba kag madamuan nga pagpahalin sa mga taumbaryo.

Ang madason pila lamang sa grabe nga kaso sang teroristang pagpamigos nga ginhimo sang rehimen sa rehiyon sadtong 1999:

Sa Quezon, lima ka wala sang ikasarang nga magbato nga hangaway sang BHB ang ginpangluthang sa Baryo Calantas, Tayabas sadtong Agosto 24, lubos nga 7:00 sang gab-i. Lunsay napatay gikan sa igo sa likuran sanday



Melinda de Castro, 36; Juanito Rocafort, 32; Teodoro Gonzales, 34; kag Leo Mansit, 18. Si Marlon Cabrerra, 25, nga napilasan, gindakop kag pilit nga gindala sa V. Luna Hospital. Ginpahog siya kag gintublukan sang kon anu-ano nga bulong ang iya swero. Dugang nga hapdi kag kabudlayan ang naagihan niya antes nakita sang tiglawas sang KARAPATAN. Kahimuan ini sang mga tropa sang 76th IB sa pagpamuno ni Maj. Emmanuel Mendoza.

Sa Laguna, wala sang kaluoy nga inutod ang paa sang Pulang hangaway nga si "Ka Junard", nga napilasan sa isa ka inaway nga natabo sa Balian, Pangil, Laguna sadtong Mayo 6, 1999. Sigun sa mga doktor indi naman ini kinahanglan nga himuon. Nadakop siya samtang nagapaayo sa isa ka hospital sa Maynila. Krimen naman ini sang 16th ISU-ISG sa pagpanguna ni Capt. Edgardo Cumahig.

Sa Rizal, lapnagon ang iligal nga pagdakop, pagtortur kag pilit nga pagpapagiya sa ginapwestuhan sang BHB. Sadtong Marso 5, 1999, tatlo ka ginadudahan nga gerilya ang gindakop, wala sang kaluoy nga tinortur kag pilit nga ginhimo nga giya. Nauna nga nadakop si Rocky Pajardo kag nagsunod sanday Cayaon Calapang kag Muay Sapiccio. Sadto naman nga Setyembre 16, 1999, iligal nga gindakop ang isa ka sibilyan nga nangangalang Corante nga taga-San Ysiro, Syudad sang Antipolo. Tinortur siya kag

pilit nga pinagiya agud itudlo ang kampo sang BHB. Ang mga elemento sang 5th SRC sa pagpamuno ni Lt. Eric Lycoco ang umid diri.

Sa Batangas, ginpatay si Ireneo Marasigan sadtong Enero 8, 1999 sa merkado sang Syudad sang Lipa. Ginsundan pa ini sang pagpatay sadtong Pebrero 15, 1999 kay Lodrigo de Guzman, taga-Abong, San Juan kag katapu sang Partido sa lokalidad.

Minasaker naman sadtong Mayo 12, 1999 sang 20th Special Forces Company sa pagpanguna ni Sergeant Batayola ang apat ka sibilyan sa Sityo Malabnig, Balatbat, Lobo. Wala sang untat nga ginpalupkan ang balay ni Flaviano Cortas nga ikinamatay niya, sang duha niya nga anak kag sang iya bayaw nga si Nilo Palalay, 25.

Sadtong Disyembre 27, 1999, si Naning Hernandez, isa ka lider mangunguma sang baryo Hukay, Calatagan pinatay sang isa ka baydan nga maton nga protektado sang militar kag sang alkalde sang Calatagan.

Sa Occidental Mindoro, wala sang kaluoy nga pinalupkan ang mag-ilo ni Roger Aloro nga ikinamatay sang iya siyam ka bulan nga anak kag isa ka ginadudahan nga katapu sang BHB sa Sityo Prubinsya Agaton, Tanyag, Calintaan sadtong Oktubre 26, 1999. Mga elemento sang Regional Mobile Group kag 407th PPMG sang PNP sa pagpamuno nanday P/Col. Rolando Ravara kag P/Insp. Victor Jaycees S. Tolentino ang may kaobrahan sini.

Iligal naman nga dinakop kag tinortyur si Lunching, 26 nga tuig ang edad, isa ka daan nga hangaway sang BHB nga taga-Alacaac, Sta. Cruz, Occidental Mindoro. Kinuryente siya kag halos isa ka bulan nga ginpriso sang *composite team* sang 76th IB nga ginapamunuan ni Lt. Felixberto Ama. Sa lugar man nga ini, iligal nga gindakop kag tinortyur si Violy Alcantara, 40. Ginpahog siya kag ginpaako nga tagakupkop sang BHB.

Sa Marinduque, wala sang kaluoy nga ginpangluthang sang mga elemento sang 74th IB ang isa ka tigulang nga lalaki kag ang iya tatlo ka tuig nga edad nga apo sa pihak sang pagpakitluoy nila bilang sibilyan. Nakaluwas ang bata

kay pinadalagan sang tigulang. Natabo ini sadtong Abril 2, 1999 sa Mompog, Marinduque.

Sa Palawan, sadtong Hunyo 21, 1999, napilasan si Norjury Unggong nga tag-iya sang balay nga gintabuan sang inaway sa tunga sang BHB kag

Philippine Marines. Sa batiis ang igo sini pero inutod tubtob sa tuhod ang iya tiil sa WESCOM Hos-pital (Western Command). Natabo ang inaway sa Sityo Mali-gaya, Aramaywan, Narra. Ang 21st Marine Coy sang 1st Marine Battalion Landing Team sa pagpamuno ni Lt. Col. Ariel Querubin nga nakabase sa Abu-abo, Sofronio Española, Palawan ang may padihot sini.

Sa Cavite, gindakop sadtong Hulyo 15, 1999 ang duha ka ginadudahan nga katapu sang BHB nga sanday Francisco Morillo, 20, nga taga-Kaong, Silang kag Francisco Arpia, 46, nga taga-Barangay Burgos, Mulanay, Quezon kag halin sadto indi na nakita. Kaupod nila nga nabihag si Rolando Torres nga nakahilway makalipas ang pila ka adlaw. Natabo ini sa Barangay Talipusngo, Maragondon. Katulad ini sang ginhimo nila nga pagdakop kag indi pagpalutaw kanday Danilo Caisip, 43 kag Jason Nieva 19, sadtong Disyembre 8, 1998 sa Kaybanban, Cayrilao, Nasugbu. Tubtob sa subong indi pa gihapon nakita ang ila lawas. Ang umid diri ang mga elemento sang PNP kag pribadong armado nga hubon ni Mayor Filomeno Maligaya Jr. (daan nga Sergeant Maligaya ang umid sa pagpatay kay Ka Lando Olalia kag Leonor Alay-ay) sang Magallanes, Cavite. Umid man si PPAG Col. Rustico Francisco.

Sa Romblon, sadtong Setyembre 18, 1999, sa Baryo Matutuna, San Andres pinaulanan sang bala ang isa ka balay matapos mapatay si Ka Aljun o Felix Dimalagan sang mga tropa sang 412 PMG sang Romblon sa pagpamuno ni Police Chief Inspector de Villa kag Police Inspector Miranda. Ginpagua sa balay nga nakataas ang mga kamot, pinahilera, pinasandig sa pader kag ginpa-uba ang mga lalaki. Ang mga dinakop nga sibilyan sanday Ronnie Fajilagot, Walter Ortega, Virgilio Mani kag Rustico Mijares. Duha lamang ang hangaway sang BHB ang nadakop (Emma Montoya kag Joemari Gusi nga malubha nga napilasan sa dughan) pero ginpriso pa gihapon ang mga sibilyan nga wala sang taning. Kasunod nga sinalbeyds nanday si Ka Alvin, 18, o Raymond Magbata Manggao sa Barangay Cabulutan, San Agustin, Romblon.

Sa Oriental Mindoro, malala nga ginhalitan ang ginaistaran sang mga Mangyan sang ginahimo nga *strafing operation* sang mga tropa sang Alpha Coy sang Recon





Bn sa pagpamuno ni Captain Pipit kag sang Marines sa pag-pamuno ni Cap-tain Montojo kag 1Lt. Coronel sa idalum sang Task Force Seagull nga ginapamunuan ni Col.

Carlito Gamit. Natabo ini sini nga Enero 20 sa Sityo Tambangan, Barangay San Juan, Bulalacao. Naguba ang ila mga kagamitan kag ginpahog sila nga indi magpadayon sang BHB. Pasistang teror sa mga Mangyan ang ginbunga sini.

Duguan ang kamot sang berdugo nga rehimen. Ang terorismo nga tuga sang Oplan Makabayan dugang nga nagapagrabe sa kabudlayan sang palangabuhian sang masa sa Nabagatnan Katagalugan.

Apang ang hayagan nga pasista nga pagpanalakay sang rehimen sa pumuluyo sang rehiyon utang nga pagabayaran sang mahal sang mga pasista. Suno sa Melito Glor Command: "Ipagpadayon sang tanan nga mga yunit sang BHB sa idalum sang MGC ang paglunsar sang mga taktikal nga opensiba agud ipakita sa rehimeng US-Estrada nga indi niya masarangan nga hadlukon ang pumuluyo sang rehiyong Nabagatnan Katagalugan. Maathag nga maathag nga sa mga pumuluyo sang rehiyon nga ang ila ginapangita nga hustisa sa mga paglapas sa kinamatarung nga pangtawo sang rehimeng US-Estrada maangkon lamang sa tion nga magdaog ang demokratiko nga rebolusyon nga banwa paagi sa malawigan nga inaway banwa." **AB**

Gikan sa Pangrehiyon nga Kumand sa Operasyon sang Nabagatnan-Katagalugan

Armando 'Ka Sixto' Cerna Jr.

Biktima sang pagkapintas sang AFP

Sa halambalanon sang mga bihag sang inaway, lubos magkabaliskad ang talaksan sang rebolusyonaryo nga kahublagan kag sang reaksyunaryo nga estado. Kon paano nga ginatrato sang maayo sang pungsudnon-demokratiko nga kahublagan sigun sa internasyunal nga tawhanon nga layi sanday Maj. Noel Buan kag PCI Abelardo Martin, bug-os nga kahayupan naman nga ginpabudlayan kag ginpatay si Kaupod Armando Cerna Jr. (Ka Sixto) sang mga pasista nga tropa.

Napilasan sa isa ka inaway si Ka Sixto. Naigo siya sa butkon matapos i-reyd sang 5th Scout Ranger Company (SRC) kag 49th IB ang ginatiniran nga balay sang yunit nga ginapasakupan ni Ka Sixto. Natabo ini dampi 5:30 sang umaga sini nga Enero 29 sa Sityo Mainaw, Barangay San Antonio, Victoria, Oriental Mindoro.

Sang madakpan siya kag makilala, ginsugo ni 1Lt. Samuel Manzano, nagapamuno sang 5th SRC nga indi bulngon kag pabayan nga maubusan sang dugo agud mapatay. Bangud gani sa butkon lamang ang igo sang kaupod, natak-an ang pasista nga tropa gani binali ang iya liog agud mapadali ang pagkapatay. Sa paglaumnga patay na si Ka Sixto, ginhigot siya nga daw baboy.

Gindala sa poblasyon sang Victoria ang iya hublas nga lawas kag ginbulad sa plaza halin sa aga tubtob sa udto. Himamatyon pa si Ka Sixto sang dalhon sang 5th SRC sa may basurahan agud ipalubong. Apang antes nahimo ang paglubong, nalagas ini sang mga katapu sang organisasyon sa kinamatarung nga pangtawo kag nakuha ang lawas.

Sang dalhon sang organisayon si Ka Sixto sa punerarya, ginbalibaran sang embalsamador nga kaayuhon ang iya lawas bangud nagahulag pa ini. Gintinguhaan nga luwason ang kabuhi niya apang napatay man ang isganang hangaway.

Sang madakop, maathag nga si Ka Sixto *hors d'combat* (wala sang ikasarang nga magbato) kag dapat makapulos sang kinamatarung nga tulad sang nakasaad sa mga internasyunal nga layi sa inaway. Siya biktima sang pagkapintas sang rehimen kag martir sang rebolusyon.

Natabo man ini, padayunon pa gihapon sang rebolusyonaryo nga kahublagan ang maayo nga pagtrato kina Major Buan kag Chief Inspector Martin bangud wala sang inagihan sang pagpakuno-kuno kag pagpaniplang ang polisa sang rebolusyonaryo nga kahublagan sa tawhanon nga pagtrato sa mga bihag sang inaway. **AB**

Balikatan 2000

Dugang nga militarisasyon sang Tunga nga Luzon



Tungtungan para sa dugang nga militarisasyon sa Tunga nga Luzon ang malaparan nga paghanas-militar sang mga tropang Amerikano kag sang Armed Forces of the Philippines (AFP) nga ginhingadlan nga “Balikatan 2000”.

Nag-itsurang garison ang rehiyon sang magdagsa diri halin domingo sang Enero ang 2,380 tropang Amerikano halin sa mga base militar sang US sa Okinawa, Japan kag sa Pacific Command sa Hawaii agud magpartisipar sa natungdan nga mga *war game*. Kaupod nila sa paghanas ang 2,383 tropa sang AFP.

Sentro sang paghanas nga pagahiwaton tubtob sa Marso ang mga pag-abot sang daan nga baseng militar sang US sa Clark (Pampanga) kag Subic (Zambales) kag ang kampo sang AFP sa Fort Magsaysay, Laur, Nueva Ecija. Luwas diri, may nakatalana man nga *naval exercises* sa Cavite kag Palawan.

Bangud sa hayag kag malala nga pagpamatuk sang pumuluyo sa Balikatan, nagkaladagpa ang mga upisyal kag tinawo sang AFP sa pagsiguro sang kaluwasan sang mga tropa sang US. Kapin isa ka bulan antes matabo ang Balikatan nag-operasyon ang AFP agud “tinlu-an” ang rehiyon para sa mga *war game*.

Malaparan nga operasyong militar ang ginhiwat sa dulunan sang Zambales, Pampanga kag Bataan halin Disyembre 4 tubtob sa Disyembre 23, nga direkta nga paglapas sa untat-lupok nga gindeklara sang rehimeng Estrada para sa Kapaskwahan. Sa pagpamuno sang 7th ID, ginasuyod kag blinokeyohan sang isa ka kumpanya sang Special Action Forces (nga ginpamunuan sang isa ka Major Marzan) kag mga tropa sang 24th IB, 68th IB, 69th IB, 71st IB, Division Training Unit, 703rd Bde kag Intelligence Service of the AFP ang kabukiran kag mga tiilan sang mga bukid sang San Marcelino kag San Felipe sa Zambales; ►

Nagapalala nga pasismo sa kasyudaran

Mapamigos nga dispersal kag pagbungkag sang welga

Kadungan sang mga agresibong pagsalakay sang pasista nga militar kag pulis sa masa kag rebolusyonaryo nga pwersa sa kaumhan, atake-militar man ang sabat sa matarung kag mga lehitimong kawsa sang mga progresibo kag ligal nga demokratiko nga pwersa sa kasyudaran.

Sini nga Pebrero 12, sa sugo ni Chief Supt. Edgardo Aglipay, hepe sang PNP-National Capital Region, makahas nga ginbungkag sang mga pulis ang piketlayn sang mga nagprotestang empleyado sang Manila Hotel. Madamo sa katapu sang Manila Hotel Employees’ Association (MHEA) ang nasakit sa pagbungkag nga ginhiwat sang may 150 pulis sang Western Police District, Central Police District kag Special Weapons and Tactics Team. Dose naman, upod ang presidente sang MHEA nga si Ferdinand Barles, ang dinakop kag kinasuhan.

Sa pihak sang pwersahan nga ini, nagpadayon ang protesta sang mga empleyado sang Manila Hotel kag mga tagasuporta sini. Pero hungod nga kamot nga salsalon ang sabat sang rehimen sa ila mga reklamo.



Sini nga Pebrero 14, nasulit ang makahas nga dispersal sa ila. Gindakop sina Crispin Beltran kag Arnaldo Seminiano sang Kilusang Mayo Uno (KMU), Teddy Casiño sang Bagong Alyansang Makabayan kag Peter Banatan, katapu sang MHEA.

Antes pa sini, binomba naman sang tubig ang 300 katapu sang KMU, Anakbayan kag League of Filipino Students (LFS) sa atubang sang talatapan sang Pilipinas Shell sa Makati sadtong Pebrero 4 samtang nagalunsar sang hulag sa panibag-o nga pagtaas sang presyo sang lana. Ginapanghampak sang mga pulis sang *truncheon* ang mga demonstrador. Trenta ang ►

Ang Pasista nga grupo nga Baguisa



Labi nga nangangagarok ang lagtok sang daan nga rebisyunistang partido. Sa idalum sang pagpamuno ni Pedro Baguisa, ang pangkabilugan nga kalihim sini, ang daan nga partido padayon nga nag-apin sa pasismo. Kasubong sang CAFGU kag mga armado nga kontra-komunistang kulto, ang armado nga hubon sini nagaserbi nga pwersa nga paramilitar sang First Scout Ranger Regiment sa San Miguel, Bulacan, nagahulag batuk sa Bagong Hukbong Bayan kag nagapanghalit sa pumuluyo.

Sadtong Oktubre 1999, gintudlo sa militar ang mga tumod nga lider kag katapu sang daan nga partido sa Doña

Remedios Trinidad, Bulacan, ang paghulag sang isa ka yunit sang BHB. Naglab-ot ini sa pagkapatay sang duha ka hangaway.

Kadungan sang mga tropa sang 7th Scout Ranger Coy, sinalakay sang mga armado nga tinawo sang daan nga partido ang isa ka kooperatiba sang mga Dumagat sa bahin nga Ipo Dam. Ginpahog nila ang masa nga tumandok kag ginkawat ang saku-sako nga bugas. Pinuntirya ang kooperatiba sang mga Dumagat nga ginagamit sang mga tumandok agud makaluwas sa mga komersyante-usurero nga pag-abot ang daan nga kumukontrol sa pagpili sang napangalap nila nga uway. Pila ka lider sang daan nga ►

Ibayong militarisasyon ...

◀ Dinalupihan sa Bataan; kag Floridablanca, Lubao kag Porac sa Pampanga. Bahin sang operasyon nga ini ang pagsunog sang ginatos nga balay kag ang madamuan nga pag-aresto kag pagsapote sa mga Aeta.

Gutom naman ang gin-agihan sang mga Aeta nga taga-Sityo Palis, Baytan kag Maquisquis sa Sulod Bunga *resettlement area* sa Botolan, Zambales sang magblokeyo sa pagkaon ang mga tropa sang Philippine Army sini nga naulihi nga semana sang Pebrero.

Pila ka gatos nga familyang Aeta ang napilitan maghalin gikan sa ila mga puluy-an sa Sityo Tarukan, Barangay Sta. Ana, Capas, Tarlac bangud sa kalapitan sini sa Crow Valley *bombing and gunnery range* nga isa sa mga ginahiwatan sang paghanas.

Sa kaangot nga hitabo, nagdinalagan man ang mga taga-Talisayin, San Antonio, Zambales sang igo-on sang bomba ang ila baryo sa *naval exercises* nga ginlunsar malapit sa ila sini nga Pebrero.

Samtang, sa palibot sang Clark sa Syudad sang Angeles, bisan mga kinaandan nga nagabaligya kag manugbakal ginhugutan sang mga awtoridad.

Ang bangis sang ginhimo nga mga pagpanalakay sang AFP maathag nga paniniguro sa kaluwasan sang mga amo nila nga imperyalista. Dapat lubos nga ibuyagyag kag kundenahon ang wala sang untat nga pagpabuhi sang AFP sang pasista nga kusog batuk sa pumuluyo kag ang sobra-sobra nga pagpakatuta sini sa US. **AB**

Mapamigos nga dispersal ...

◀ ginpahayag nga nasamaran sa insidente nga ini.

Kadungan man sini ang makahas nga dispersal sa mga nagaraling estudyante sa atubang sang embahada sang US. Ginapangbatuta ang mga estudyante sa ila ginhimo nga pagpakamalaut sa nagakatabo nga “Balikatan 2000”.

Sini nga Enero 27, apat ang gindakop sa rali sa Malakanyang matapos ang makahas nga dispersal nga ginhimo sang mga pulis sa mga nagprotestang estudyante halin sa LFS, College Editors Guild of the Philippines, National Union of Students of the Philippines kag Anakbayan. Ginapangabay nila nga pataasan ang badyet sa edukasyon.

Sa atubang mismo sang mga kongresista, ginaguyod naman nga ginpagwa sang mga bantay sa Kongreso ang mga aktibistang estudyante sadtong Enero 10 sang ipahayag nila ang ila pagpamatuk sa ginhimo nga pagbuhin sa badyet sa Unibersidad sang Pilipinas kag iban pa nga pangpublikong kolehiyo kag eskwelahan.

Ang nagapalala nga hayagan nga pasismo sa kasyudaran ang polisa sang estado agud pauntaton ang nagahara-hara nga akig sang pumuluyo. **AB**

Norberto Manero

Laragway sang baydan kag masupog nga berdugo

Isa na naman nga masupog nga berdugo sang layi militar nga ginhusgaran sang kasaysayan ang ginbag-ong-dungog ni Estrada.

Sini nga katapusan sang 1999, ginawaran ni Joseph Estrada sang *presidential pardon* kag ginsugo ang pagpahilway kay Norberto Manero, ang lider sang isa ka kilabot nga pwersa nga paramilitar nga nagtuga sang terorismo sa nabagatnan-sidlangan nga Mindanao sadtong hamugasa sang layi militar. Sinintensyahan si Manero sang katubtuban nga pagkapriso kaupod sang pito kag iban pa sadtong 1987 sa sapatnon nga pagpatay kay Fr. Tullio Favali, isa ka Italyanong pari. Si Favali,

nga kura paroko sang Kidapawan, North Cotabato, ginluthang nanday Manero sadtong Abril 11, 1985 sa La Esperanza, Tuluhan, North Cotabato.

Ginpahambog nila nga pinatay nila si Favali agud magserbi nga halimbawa sa mga pari kag iban pa nga tawong simbahan nga ginapasi-bangdan nila nga naga-suporta sa rebolusyonaryo nga kahublagan.

Si Manero, upod ang iya amay si Norberto Sr. kag pito ka utod nga lalaki, nangin katapu sang kilabot nga Ilaga nga nagpabilin sadtong ►



◄ partido ang nagapanguna nga mga komersyante-usurero nga nagapanghimulos sa mga tumandok sa lugar.

Sadtong Enero 21, nagsulod ang 10 nakilalang mga pinuno kag katapu sang Aniban ng mga Manggaggawa sa Agrikultura nga nakabonet kag nakaarmas sa pila ka komunidad sa dulunan sang Norzagaray kag Doña Remedios Trinidad, Bulacan kag ginpahog ang mga mangunguma kag mangingisda didto. Isa ka ginadudahan nila nga nagasuporta sa BHB ang ila ginapos, ginsapote kag pinilit nga magtudlo sa yunit sang BHB. Pagkabuas, ginlambatan nila ang isa ka tim sang BHB nga nagbato kag luwas nga nakaatras.

Sa subong, padayon nga nagapanggamo sa dulunan sang duha ka banwa nga ini ang pasista nga grupo sang daan nga partido. Padayon sila nga nagapakighimbunanay sa mga tropa sang AFP kag PNP sa pagpanggamo sa pumuluyo sa lain-lain nga bahin sang Sierra Madre sa Bulacan.

Lubos nga nabuyagyag kag nagkagarok ang daan nga partido matapos ini nga malumos sa rebisyonismo kag sang direkta ini nga nag-ampo kag nakipaghimbunanay sa diktadurang US-Marcos sadtong 1973. Bisan pa gani, sadtong naulihi nga bahin sang dekada '80, bangud sa aton nga pagpangduhaduha sa linya nga kontra-rebisyonista kag sa gintuga sini nga Tuo nga oportunistang pagpakig-alyansa sa mga kontra-komunistang hubon nga petiburges, natagan sang kahigayunan ang daan nga partido nga pagtukap-

tukan ang ila gula-gulanit nga reputasyon kag ipagdut-dot ang ila kaugalingon sa kubay sang demokratiko nga kahublagan.

Temporaryo sila nga nagsaulog, kakoro sang reaksyonaryo nga rehimen kag sang mga kontra-komunistang hubon nga petiburges, nga ilarga sang todo-todo nga kontra-Partido nga operasyong demolisyon sadtong 1993. Apang paagi sa liwat nga pagpapag-on sa panindugan nga kontra-rebisyonista kag sa mga basehan nga prinsipyong Marxista-Leninista-Maoista, kag sa liwat nga pagpagsik sang rebolusyonaryo nga paghimakas, matalum nga naibuyagyag sang Partido ang kagarukan kag pagkabangkarote sang daan nga partido, upod sang rebisyonismo kag oportunismo sang mga elemento kag mga gagmay nga hubon nga kontra-komunista.

Sa subong, ang nabilin sa daan nga partido isa ka nagapagamay nga kaharian sang mga oportunistang lider sini. Naga-igo na lamang ini sa pila ka lugar sa Bulacan, nagapakighimbunanay sa kontra-rebolusyonaryo nga kampanya sang militar kag nagapanghalit sa pumuluyo. Ang pag-aastang komunista ni Baguisa kag pagsugpon-sugpon niya sang mga tinaga nga "Marxista-Leninista", desperadong pagtinguha nga itago ang iya pagkahulog sa pasismo kag pagduko sa imperyalismo kag reaksyon.

Apang ano pa man kalaba ang lanot sang mga kabutigan himaymayin ni Baguisa, indi niya matago ang iya pagka panit-man-og. **AB**

dekada '70 tubtob sa tunga-tunga sang dekada '80.

Nag-umpisa ang Ilaga bilang isa ka hubon sang mga ordinaryo nga mangunguma nga gusto pangapinan ang kaugalingon batuk sa terorismo sang Black Shirts/Barracuda nga gintukod sang mga reaksyunaryo nga pulitiko kag agalon nga maydutang Moro sadtong naulihi nga bahin sang dekada '60. Sinakyan kag

ginatungan sang mga lider sang Black Shirts/Barracuda ang tensyon sa tunga sang mga mangunguma nga Moro kag setler nga Kristiyano gani gin-gamit ang hubon agud magtuga sang terorismo batuk sa mga setler.

Pag-abot sang layi militar, sistematiko nga gin-gamit sang pasista nga rehimen ang Ilaga bilang teroristang pwersa batuk sa Moro National Liberation Front (MNLF) kag Bagong Hukbong Bayan. Sigun diri, gintingob ang Ilaga sa Integrated Civilian Home Defense Force o ICHDF.

Bahin sang madugong rekord ni Manero ang pagmasaker sadtong 1977 sa mas o menos 200 tumandok nga Singgil, Kalagan (mga tribung Moro), B'laan kag Manobo sa dulunan sang Davao del Sur kag South Cotabato. Natabo ang masaker pagkatapos sang isa ka away sa tunga sang MNLF kag natingob nga mga pwersa sang 5th kag 7th IB sang Philippine Army kag mga Ilaga-ICHDF.

Ginapatihan sang militar nga may kampo ang MNLF sa lugar kag baseng masa sang naulihi ang mga nagapuyo didto. Gintipon ni Manero sa isa ka buluthuan ang mga sibilyan agud maghiwat kuno sang estoryahanay nga pangkalinongan. Kalabanan sang mga natipon mga bata, tigulang kag kababainhan, upod ang pila ka nagabusong. Sang paulanan sila sang bala sang mga soldado kag Ilaga, halos dululungan nga nagkatumba ang mga biktima nga daw mga saging nga pinatumba sang mabaskog nga bagyo. Ang kadam-an sang mga minasaker gin-utdan sang ulo kag kinuha-an sang dulunggan nga ginhimo nga anting-anting sang mga responsable.

Pagkatapos sang masaker nga ini pormal nga binansagan sang militar si Manero bilang Kumander Bucay,

**ANG ILAGA-ICHDF SA
IDALUM NI MANERO
NANGIN INSTRUMENTAL
SA PAGPALAYAS KAG
PAGBUHI SANG
TERORISMO BATUK SA
MGA MANGUNGUMA
NGA AGAWAN SANG
DUTA SANG NDC-
GUTHRIE SA AGUSAN
DEL SUR KAG SURIGAO
DEL SUR KAG
PROSPERIDAD
AGRICULTURAL CORP.
NI DANDING
COJUANGCO**

isa ka kilabot nga mamatay-tawo nga ginakangil-aran sang pumuluyo, Moro man o indi. Samtang, bangud sa iya pagkamasupog nga mersenaryo, ginabayaran man si Manero sang mga pulitiko kag mga korporasyong multinasyunal agud hadlukon ang mga mangunguma nga gusto nila nga agawan sang duta. Kadungan sang "Lost Command" nga ginpamunuan ni Col. Carlos Lademora, ang Ilaga-ICHDF sa idalum ni Manero nangin instrumental sa pagpalayas kag pagbuhi sang terorismo batuk sa mga mangunguma nga agawan sang duta sang NDC-Guthrie sa Agusan del Sur kag Surigao del Sur kag Prosperidad Agricultural Corp. ni Danding Cojuangco sa Agusan del Sur.

Umid man ang mga Ilaga sa madamo nga kaso sang arson, pagpanglugos, pagpamahog kag iban pa nga lubos nga paglapas sa mga kinamatarung nga pangtawo. Sa isa ka magpamangkot, gin-ako kag ginpahambog ni Manero nga nagalab-ot sa 500 nga numero ang tawo nga iya pinatay.

Tum-ok nga ginakondena sang Catholic Bishops Conference of the Philippines ang pagpahilway kay Manero kag ginpanagil-ot kay Estrada ang pagbawi sa *presidential pardon*. Ginpakamalaut man ini sang Moro Islamic Liberation Front (MILF). Madamo ang nagapati nga bisan medyo may edad na si Manero pwede pa gihapon ini nga makahalit sa pumuluyo.

Indi mapanginwala ang maitum nga hustisya nga ginadumalahan ni Estrada. Dapat dulaon sa handurawan, siling niya, ang mapintas nga inagihan sa idalum sang layi militar. Sigun diri ang pagtinguha niya nga baliskaron ang kamatuoran kag kadunggan bilang isa ka bida si Marcos kag ang pagdula sang-sala niya sa pamilya kag mga idu-ido sang ginakangil-aran nga diktador. Ginapapungko man niya sa mga mataas nga katung-danan ang mga daan nga naga-alagad sa layi militar, kag ginatagaan-pabor ang mga nakapullos sa diktadura. Indi makatilingala sa paggawad niya sang pardon sa berdugo nga si Manero.

Samtang, 139 nga bilanggong pangpulitika ang padayon nga ginapa-antos ni Estrada sa prisohan kag paghimbunanay niya sa pamilyang Marcos sa pagpang-agaw sang indemnipikasyon sa mga direktang biktima sang layi militar.

Matuod gani nga wala sang hustisya nga malauman sa subong sini nga gubyrno. ■

**INDI
MAPANGINWALA
ANG MAITUM
NGA HUSTISYA
NGA
GINADUMALAHAN
NI ESTRADA.**

Pagsilot kay Conrado Balweg

Sadtong Disyembre 31, 1999, ginsilutan si Conrado Balweg. Ginhiwat ang pagsilot sa Barangay Buanao, Malibcong, Abra sang isa ka yunit sang Chadli Molintas Command sang Bagong Hukbong Bayan (BHB) sa Cordillera.

Malaba ang listahan sang mga kasaypanan ni Conrado Balweg batuk sa pumuluyo kag rebolusyonaryo nga kahublagan bilang nagapanguna nga lider sang Cordillera People's Liberation Army (CPLA), isa ka masupog nga kontra-rebolusyonaryo nga pwersa nga paramilitar sa Cordillera.

Aktibo nga nagapagamit si Conrado Balweg sa mga pasista nga padihot sang rehimeng US-Estrada sang siya ginsilutan sang BHB. Pagkamatuod, nagkadto siya sadto sa Malibcong agud ipatuman ang isa ka bisyosong padihot agud agawan sang ila mga duta nga katigulangan ang mga taga-Malibcong kag pasudlon ang dumuluong nga Newcrest Mining Corporation.

Sa isa ka pahayag, ginbuyagyag sang Chadli Molintas Command nga sadtong Setyembre 1999 pa lamang nga ginplano sang CPLA nga wasakon ang ano man nga mga pangpulitika nga istruktura kag programang pang-ekonomiya nga natukod sang rebolusyonaryo nga kahublagan sa naaminhan nga Abra. Tungod diri, nagbaton siya sang P5 milyon halin sa Countryside Development Fund sang senador kag daan nga heneral nga si Rodolfo Biazon. Kwarenta kag apat ka porsyento (44%) sini o P2.2 milyon ginkawat kag gindala sa mga indi tapos nga “proyektong sosyo-ekonomiko” kag ang napabilin nga P2.8 milyon para sa “counter-insurgency”. Ang ►

Pila ka mga kasaypanan ni Conrado Balweg

Pagpatay kay Fr. Bruno Ortega, SVD sadtong Disyembre 1987 samtang nagatulog ini sa puno nga talatapan sang CPLA sa Cordillera House sa Syudad sang Baguio. Pila ka adlaw antes napatay si Ortega, plano na niya nga magbalik sa rebolusyonaryo nga kahublagan matapos niya nga matanto ang iya daku nga pagsayup sa pag-upod sa hubon ni Balweg.

Pagkuot kag pagpatay sadtong Oktubre 6, 1987 kay Daniel Ngaya-an, pinuno sang Cordillera Bodong Association kag katapu man sang Komiteng Manugpatuman sang Cordillera Peoples' Alliance (CPA). Hayag nga ginpahambog nga daku ni Balweg ang ila pagpatay kay Ngaya-an.

Pagkuot, pagtortur kag pagpatay kay Romy Gardo, isa ka organisador sang CPA, sadtong Disyembre 28, 1987.

Pagpatay paagi sa *firing squad* kanday Jonathan Bisnan kag Tito Babasa, mga mangunguma nga taga-Tubo, Abra sadtong 1987.

Pagpatay kay Benito Dang-aw sang Tuhtuba, Tubo, Abra sadtong 1987. Pagpatay sa duha ka tigulang nga taga-Salegseg, Balbalan, Kalinga kag duha ka bata nga taga-Balbalan man sadtong 1987.

Pagtortur kag pagpatay kay Pagpag Afarag sadtong 1988.

Pagmasaker sa 16 nga sibilyan kag pagguba sa mga kagamitan sang masa sa Paco Valley, Apayao sadtong Marso 1987.

Pagpatay sa duha ka Pulang hangaway sang BHB nga wala sang ikasarang nga magbato kag nagapaayo sang ila mga pilas sa Butot, Luba, Abra sadtong Pebrero 1988. Ginlugos man sang mga tropa sang CPLA ang duha ka babaeng medik nga nagatatap sa mga pasyente.

Pagpatay kay Ayangwa Claver, anak sang daan nga Congressman William Claver sa Pinukpuk, Kalinga sadtong Enero 21, 1990. Kaupod sa mga taga-CPLA nga pumatay sa iya ang mga tropang militar sang Armed Forces of the Philippines kag mga maton ni Dominador Belac, nga alkalde sadto sang Pinukpuk.

Pagwasak sa mga proyektong pangkabuhayan sang pumuluyo sadtong 1987 tulad sang mga kooperatiba sa Upper Tinglayan, Kalinga kag sang isa ka *water-powered rice pounder* sa Ngibat, Tinglayan, Kalinga.

Pagpamahog sa pumuluyo sang Ampucao, Itogon, Benguet nga nagapamatok sa ginpag-agawan nga iligal nga pagtroso sang CPLA sa ila duta nga katigulangan.

Iligal nga pagsulod kag pagpanghukay sa mga puloy-an kag pagpangumpiska sang mga kagamitan sang mga pamilya sa Abra nga ginadudahan nila nga sumisimpatya sa BHB.

Paggamit sang armas agud pahugon ang pila ka tribu nga bag-uhon ang dulunan sang ila mga baryo pabor sa mga upisyal kag elemento sang CPLA, pareho sang ginhimo sa dulunan sang tribung Saclit kag Butbut.

Pang-agaw sang duta sa Tabuk, Kalinga kag sa Baguio.

Pagpamahog sa mga delegado sa Cordillera Day sa Tubo, Abra sadtong 1998.

Pagpamahog nga pamatyon ang mga lider sang mga progresibong organisasyon.

◀ Malibcong ang gintarget nga himuon nga *pilot area* sang proyektong “Zone of Peace and Development” ni Biazon.

Kaangot sang ulihi, ginplano ni Balweg nga magkadto sa kada baryo agud magtawag sang mga miting masa batuk sa BHB. Luyag niya nga bungkagon ang tanan nga pung-sudnon-demokratiko nga organisasyon sang pumuluyo sa Malibcong nga gintukod agud mapangapinan nila ang ila duta, kabuhi kag mga rekursong kag ipakig-away ang interes sang imol nga mga sahi kag sektor. Ginpromisahan ni Balweg sang P8,000.00 ang tagasalider kag katapu nga magsikway sa ila mga organisasyon. Ang sin-o man nga magbalibad gilayon ginabansagan nga mga komunista kag ginalagas.

Bilang katumbas, ginplano ni Balweg nga tukuron ang Bodong Development Cooperative, Inc. nga makikisosyo sa Newcrest Mining Corporation.

Pinakaulihi lamang ang mga ini sa mga kasaypanan ni Balweg. Sadtong 1986-87 pa lamang nga ginistoryahan sang mga natungdan nga organo sang Partido Komunista ng Pilipinas ang iya mga kaso. Gindesisyunan nga bangud sa bugat kag damo sang iya mga kasaypanan, upod na ang madamo nga utang nga dugo, matarung nga panagan sang silot nga kamatayon. Makapila liwat ini nga gintun-an kag samtang pumatong nga pumatong ang iya mga kasaypanan makapilaliwat nga ginaprubahan ang desisyon (*lantawon ang listahan*).

Sadtong Disyembre 31, nagangkon sang katubusan ang pagsininggit sang pumuluyo sang Cordillera para sa hustisya batuk sa mga krimen ni Balweg. ■

Cagayan Valley

Paghimatuk sa konserbatismo kag liwat nga pag-abanse

Sa isyu nga Marso-Abril 1999, ginbantala sang Ang Bayan ang artikulo nahanungod sa madinalagon nga pagpamatuk sang rehiyon sang Tunga nga Kabisayaan sa konserbatismo sa armado nga paghimakas. Ang madason nga artikulo kuha sa ipinadala sang rehiyon sang Cagayan Valley (Cagayan, Isabela, Neuva Vizcaya kag Quirino) kag nag-amot man sang mga malahalang nga leksyon nahanungod sa ila pagpamatuk kag pagpangibabaw sa palaligban nga ini.



Sa pihak sang gilayon nga paghakos kag pagtaguyod sa kahublagan sa pagpanadlong sugod 1992 sang rebolusyonaryo nga kahublagan sa Cagayan Valley, wala gilayon nakabwelo ang lain-lain nga hilikuton sa rehiyon.

Hugot sa buot nga gustohon tadturon ang daan nga adbenturismo nga militar kag insureksyunismo nga syudad apang nagluntad man ang konserbatismo sa larangan sang armado nga paghimakas kag ligal nga demokratiko nga kahublagan bunga sang indi bastante sa paghangop sa dialektiko nga relasyon sang lain-lain nga aspeto sang rebolusyonaryo nga hilikuton.

Pagpangibabaw sang konserbatismo

Matapos nga magdesisyon nga tadturon ang adbenturismo nga militar kag insureksyunismo nga syudad, nagpangibabaw halin 1997 ang konserbatismo bilang nagapanguna nga upang sablag sa pag-abanse sang mga rebolusyonaryo nga hilikuton sa rehiyon.

Indi nahingalitan sang mga rebolusyonaryo nga pwersa ang nagamaayo nga obhetibo nga kahimtangan. Sa baylo, nagapakitid ang mga baryo kag banwa nga ginahulagan kag nagapagamay ang bilang sang hangaway kag pormasyon sang Bagong Hukbong Bayan (BHB), mga kadre, katapu kag sanga sa ►

lokalidad sang Partido kag baseng masa. Pila ka tuig nga wala sang taktikal nga opensiba.

Indi nahangpan nga sa linya sang malapnag kag masunson nga gerilya nga pagpakig-away sang nagakaigo sa nagapalapad kag papasunson baseng masa, husto kag ginakinahanglan nga maglunsar sang mga taktikal nga opensibang masarangan nga daugon. Ginhiwat ini kadungan sang agresibong pagpukaw kag pagpahulag sa nagapalapad nga nagapalapad nga bahin sang pumuluyo para sa rebolusyon.

Sa pagpanadlong sa bertikalisadong pormasyon nga bug-os nga panahon nga ara sa hilikuton nga militar, idineploy sa hilikuton pangmasa ang tanan nga yunit sang BHB nga pare-pareho ang daku kag wala sang gintumod nga magatindog nga sentro-de-grabidad.

Paisa-isa ang narekruta sa hangaway sang banwa. Paktor diri ang makitid nga areya nga ginahulagan, maluya nga hilikuton para sa rebolusyon nga agraryo, indi mapagsik nga pag-organisar sa kubay sang pamatan-on kag, sa pila ka yunit, pagpadugang sang mas mataas nga mga talaksan sa pagrekruta.

Sa kabilugan maluya ang pagpatuman sang minimum nga programa sang rebolusyon nga agraryo bilang yabi nga angot sang mga hilikuton sa kaumhan. Ini bisan pa wala sang untat kag malala ang pagpanghimulos nga pyudal kag malapyudal sa masa nga mangunguma kag manggaranon ang inagihan sa rebolusyon nga agraryo sa malapad nga kaumhan sang rehiyon.

Gin-atubang lamang ang mga halambalanon sa duta sa tunga sang masa pero indi nahatagan sang nagakadapat nga tum-ok ang pagpanday sang paghiliugyon sang masa nga mangunguma batuk sa mga agalon nga mayduta.

May nagluntad nga pamensaron nga antes ilunsar ang rebolusyon nga agraryo, kinahanglan anay nga ihumlad ang mga rebolusyonaryo nga organisasyon nga masa kag ipalapnag ang mga kurso nga masa sa malapad nga sakop. Indi nahangpan ang mga hilikuton kag pag-organisar, edukasyong masa kag pagpahulag may dialektikal nga angtanay sa kada halintang sang pag-uswag sang kahublagan nga masa.

Sa pagtalana sang tuman nga malapad nga areya sang responsibilidad sang mga yunit sang BHB, madamo nga mga lugar ang indi nalibutan kag napabay-an lamang. Madamo nga higayon nga ginpapanaog sa lebel sang hubon nga pang-organisa (GP) ang paghulag sa baryo sa pihak sang pagluntad sang mga paktor nga nagakabagay para sa mas mataas nga lebel. May mga kaso man nga gindugangan ang mga rekisito sang GP kag ginbungkag

o nagpangindi nga tukuron ang mga komiteng pang-organisa kag sanga sang Partido nga naghatag sang kabilugan nga paghinay sa pagpalapad kag pagpabakud sang mga organisasyon nga masa.

Sa kasyudaran, sa katuyuan nga tadlungon ang mga nangin kasaypanan sa pag-organisar, pinasahi ang pagtukod sang mga likom nga organisasyon ang gin-uyatan kag ginbuy-an ang pagtukod sang mga ligal nga pormasyon.

Napalampas man ang mga panahon nga maglunsar sang mga aksyong masa bangud sa sala nga pamensaron nga mahimo lamang ini kon nahumlad na ang mga rebolusyonaryo nga organisasyon nga masa sa malapad nga lugar.


Indi nahangpan ang dialektiko nga relasyon sang pagpahulag kag pag-organisar.

Panibag-o nga pag-abanse sang paghimakas

Ulihi nga kwarto sang 1998 sang tumuron sang pangrehiyon nga pamunuan sang Partido ang konserbatismo bilang pangunahon nga upang sa pag-abanse. Nagpanawagan sang pagpamatuk diri kag pag-abanse sang daku. Mapagsik ini nga tinugunan sang mga rebolusyonaryo nga pwersa. Sa ikaduhang kwarto sang 1999, nagrehistro nga ang mga panugod nga pagsulong sa mga larangang gerilya kag kahublagan sa syudad kag sentro nga banwa.

Nagadamo nga yunit sang hangaway sang banwa ang madasig nga nakasakop sa bilog nga areya sang responsibilidad. Sa mga lugar nga gina-uyatan ang rebo-lusyon nga agraryo bilang yabi nga angot sa pag-angot, pagpamuklat, pagrekober kag pag-organisar sa pumuluyo, madasig ang nangin paglapad kag pagbawi sang baseng masa. Madasig nga napatindog sa bug-os nga baryo kag mga dalagku nga lugar ang mga likom nga organisasyon sang mangunguma, kababainhan kag pamatan-on.

Nagaumpisa nga nagpagsik ang mga paghimakas nga masa agud ipanubo ang arkila sa duta, pataason ang sweldo sang mga mamumugon sa uma kag pamatukan ang pang-aagaw sang duta sang mga burukrata kapitalista.



Sa una nga tunga pa lamang sang 1999, sobra 300 pamilya sa lain-lain nga baryo sa Isabela kag Quirino ang nabeneepisuhan sa pagpataas sang sweldo sang mga mamumugon sa uma kag presyo sang produkto sang mga mangunguma. Mga panugod nga kadalagan ini sang rebolusyon nga agraryo.

Sa ikatlong kwarto sang 1999 dumoble ang daku sang organisadong masa gikan sa daan nga numero sini sadtong katapusan sang 1998. Dumoble man ang numero sang mga aktibista. Halos dumoble ang numero sang mga komiteng pang-organisa kag sa mas madamo pa nga lugar luto na ang kahimtangan agud gilayon nga mabilog ang mga ini. Ginatukod naman ang mga likom nga selula sa kubay sang mga nahanunga nga pwersa sa kaumhan.

Liwat nga nag-ugat ang Partido sa basehan nga lebel. Nagadamo ang naitindog kag liwat nga nagpaandar nga sanga sang Partido sa lokalidad nga nadugangan sa mga daan nga nakatindog.


Nagaumpisa na liwat ang pagdagsa ang pagrekrut sa BHB, labina sa mga lugar nga nagalarga ang paghimakas nga kontrapyudal. Pinakamapagsik sa handom nga mangin Pulang hangaway ang mga pamatan-on nga organisado sa likom kag hayag.

Ang madinalag-on nga reyd sa isa ka detatsment sang PNP sa Barangay Pilitan, Tumauini, Isabela sadtong Hunyo 1999 ang bumuka sa madugay nga pag-untat sang mga taktikal nga opensiba sa rehiyon. Pagkatapos sini, sunud-sunod ang mga taktikal nga opensiba nga nagasabat sa mga kongkreto nga kinahanglanon sang hilikuton nga rekoberi kag rekonstruksyon.

Suno sa subong nga lebel sang kinahanglanon, pangunahon nga gintarget sang mga aksyong militar ang mga espiya o ginhingadlan nga *civilian informer* nga may utang nga dugo sa pumuluyo kag rebolusyon kag mga daan nga katapu sang BHB nga nagpalagyo sang mga pusil kag nakipag-ugyon sa kaaway.

Lima ka aksyong pagsilot ang ginhiwat halin Hulyo tubtob sa Oktubre. Ang mga ginsilutan nag-agi anay sa bista sang hukmanan nga banwa. Tatlo naman nga espiya ang ginsilutan.

Sa isa ka engkwentro sa Jones, Isabela sadtong Setyembre 7, siyam ka tropa sang 45th IB ang napatay. Isa



ka hangaway sang BHB ang napatay sa nasiling nga inaway. Isa ka iskwad ang napalabang yunit sang BHB kag isa ka platoon naman ang mga tropa sang AFP. Pagpakita ini sang nagabato nga espiritu sang mga Pulang hangaway.

Pag-abanse sang ligal nga demokratiko nga kahublagan

Liwat nga naga-abanse ang ligal nga demokratiko nga kahublagan sa Cagayan Valley. Ang magkakasunod nga mga aksyong masa

nga ginlunsar halin Hunyo tubtob sa Oktubre pagpreparar sa mas mga dalagku nga pag-abanse sa paghimakas nga masa.

Linibo ka mangunguma, pamatan-on-estudyante, propesyunal kag tawong simbahan ang nagpartisipar sa mga paghulag batuk sa monopolyo sa duta sang mga dalagku nga agalon nga mayduta, pagpangawat sang mga imperyalista kag burukrata kapitalista sa manggad sang banwa kag pagguba sa palangabuhi-an sang masa, padayon nga paggrabe sang pasista nga kakahasan sa kaumhan, pagtinguha nga pagbago sang rehimeng Estrada sa Konstitusyon sang Republika sang Pilipinas kag komersyalisado kag mapangdaug-daog nga sistema sang edukasyon.

Halin Hunyo tubtob sa Hulyo 1999, magkasunod nga aksyong masa nga ginbuylugan sang ginatos nga mangunguma sa lain-lain nga bahin sang rehiyon ang ginhiwat agud pamatukan ang *foreclosure* sang reaksyunaryo nga gubyerno sa mga duta nga ginsakop sang programang *operation land transfer*. Pito ka barangay ang gilayon nga nakapullos diri.


Nabuyagyag sa malapad nga isip sang pumuluyo ang pagkawalay pulos sang programa sa reporma sa duta sang reaksyunaryo nga gubyerno. Napasakop sa kahublagan nga masa ang daku nga isip sang mga nahanunga nga pwersa. Naglapad ang impluwensya sang hayag nga progresibong kahublagan sa iban pa nga lugar.

Sadtong Agosto 1999, sobra 200 estudyante ang nagrali sa talatapan sang Commission on Higher Education sa Tuguegarao, Cagayan agud ipanagil-ot ang mga demokratiko nga kinamatarung sang tumuluon kag pamatukan ang pagpasaka sang matrikula. Ini ang una nga organisadong paghulag sang mga tumuluon sugod

Pagpalapad sang imperyong Ruso

Sa ultra-nasyunalista nga katuyuan dugang nga palaparon ang imperyong Ruso, linibo ka tropa sang reaksyunaryo nga gubyrno ni Boris Yeltsin kag Vladimir Putin ang liwat nga ginpasalakay sa Chechnya sadtong Oktubre 1999 agud ilugmukon ang armado nga pwersa nga Chechen, sakupon ang independyenteng republikang Chechnya kag ipaidalum ini sa Russia.

Sa wala untat nga pambomba halin Oktubre tubtob sa Disyembre 1999, linibo ka Chechen ang napyerde kag naglab-ot naman sa 118,000 pumuluyo ang napilitan nga maghalin halin sa ila mga puloy-an. Kadam-an sa mga biktima mga sibilyang Chechen bangud sa pag-atake sang Russia sa mga sentro nga populasyon kag pagtarget sa mga sibilyan. Ang nauna nga pareho ka kabangis nga pag-atake sang Russia sa Chechnya sadtong 1994 nga epektibo nga ginbato-an kag pina-isol sang armado nga kusog sang pumuluyo nga Chechen tubtob sa 1996 umutod sa kabuhi sang halin 40,000 tubtob sa 70,000 katawo kag nagtulod sa paghalin nga umabot sa kapin sobra 300,000 pumuluyo. Liwat, ang daku nga mayorya sang mga biktima mga sibilyan nga Chechen nga nangamatay sa wala sang pagpasulabi nga pagpanalakay kag malaparan nga pambomba sang Russia.



Ang Chechnya isa ka gamay nga pungsod nga ara sa nabagatnan-nakatungdan sang Russia kag pag-abot anay nga napasulod sa Soviet Union bilang kabahin sang Chechen-Ingush Autonomous Soviet Socialist Republic. Makita ang Chechnya sa rehiyon sang Caucasia, nga ara sa nabagatnan-sidlangan nga Europa. Nakasulod man ang Chechnya sa naaminhan nga dalisdig sang Caucasus, ang kabukiran nga nagapatunga sa Asya kag Europa. Luwas sa Russia sa naaminhan, katambi sang Chechnya ang Stavropol Territory sa naaminhan nga nakatungdan, ang Republika sang Daghestan sa naaminhan nga sidlangan kag sidlangan, ang Georgia sa nabagatnan kag ang Republika sang ►

◀ 1995.

Sadtong Agosto 21 kag Setyembre 21, 1999, gatos-gatos nga mangunguma, pamatan-on kag nahanunga nga pwersa ang nagtambong sa lain-lain nga porma sang paghulag batuk sa pagtinguha sang rehimeng Estrada nga bag-uhon ang konstitusyon sang Gubyrno sang Republika sang Pilipinas.

Sadtong ikatlong semana sang Oktubre 1999, linibo

ka mangunguma, nahanunga nga pwersa, pamatan-on kag tawong simbahan ang naglunsar sang lain-lain nga porma sang paghulag agud pakamalauton ang kons-truksyon sang planta kag minahan sang karbon nga nagasakop sa pila ka banwa sa Isabela.

Panugod pa lamang ini nga mga pag-abanse sa Cagayan Valley. Amo gani pat-ud ang mga dalagku nga pag-abanse sa pagsulod sang ika-21 siglo. **AB**

Ingushetia sa nakatungdan.

Kalabanan sang mga nagapuyo sa Chechnya mga pumuluyo nga Nokhchii nga tumandok sa rehiyon sang Caucasias. May ara sila nga kaugalingon nga lenggwahe

**ANG MGA TROPA NANDAY
BASAYEV KAG KHATAB
GINAPONDOHAN,
INAARMASAN KAG
GINAHANAS MAN SANG
MGA IMPERYALISTA.**

kag kultura kag mayorya sa ila Muslim tulad sang madamo nga pumuluyo sa mga katambi sini nga republika kag sa kalapit nga re-

hiyon sang Tunga nga Asya. Sang napukan ang rebisyunistang rehimeng Gorbachov sadtong 1991, nagbulag ang Chechnya sa Ingushetia kag humanay ini sa pag-abot nga mga republika sang Soviet Union nga nagdeklara sang independensya. Samtang, gintukod sang rehimeng Yeltsin (nga nagbulos sa rehimeng Gorbachov) ang Russian Federation nga ginapasakupan sang Russia kag 20 republikang labi sang pag-abot sang Soviet Union. Indi ginkilala sang rehimeng Yeltsin ang independensya sang Chechnya kag gin-upod pa gihapon ini sa Russian Federation. Sadtong 1994, sinalakay sang ginatos libong tropang Ruso ang Chechnya.

Sadto pa man may estratehiko nga kamalahalon para sa Russia ang Chechnya. Katambi lamang sini ang Russia sa naaminhan kon ngaa nagaserbi nga lapusan ang pungsod para sa sin-o man nga gusto nga sumakop sa Russia halin sa nabagatnan. Halin sadtong ika-16 nga siglo, pinag-agawan sang Persia, sang Imperyo sang Ottoman kag sang Tsaristang Russia ang teritoryo sang Chechnya. Nagtuga ini sang mga armado nga kahublagan batuk sa mga dumuluong nga mananakop sadtong ika-18 kag ika-19 nga siglo, pareho nga pinusa sang mga Ruso. Pormal nga sinakop sang Russia ang Chechnya sadtong 1859.

Nag-angkon sang dugang nga balor ang Chechnya kag ang bilog nga rehiyon sang Caucasias sa pag-umpisa sang ika-20 siglo sang makatukib sang manggaranon nga deposito sang lana diri. Tubtob sa subong, ang produksyon kag pagrepina sang langis ang nagapabilin nga taludtod sang ekonomiya sang Chechnya. Bangud sa manggad nga lana kag estratehikong lokasyon sang Caucasias, pinag-agawan ini subong sang Russia kag

sang mga imperyalista sa Nakatungdan.

Ang grabe nga handom sang pumuluyo nga Chechen nga makahalin gikan sa dominasyon, pagpamigos kag pagpanghimulos sang Russia ang siya subong nga ginagatungan sang mga imperyalista agud mapasakamot nila ang mga deposito sang lana sang Chechnya kag ang mga *oil pipeline* nga tumatagos sa rehiyon sang Caucasias. Agud diri, kinakasangkapan sang mga imperyalista ang mga reaksyunaryo nga pulitiko sa duha ka pungsod kag mga *warlord* nga Chechen agud dugang nga paglagablabon ang sobinismo kag pundamentalismo nga Islamiko sa rehiyon. Ginawagayway sang mga *warlord* sang Chechnya ang islogan nga pahalinon ang Russia halin sa Caucasias kag tukoron ang isa ka unipikadong estadong Islamiko sa rehiyon nga mag-alangot sa Chechnya, Daghestan, Ingushetia kag iban pa nga pungsod diri.

Agud ipatuman ang katuyuan nga ini, ginpamunuan sadtong Agosto sang mga *warlord* nga sina Shamil Basayev kag Khatab ang 2,000 tropa sa pagatake kag pambomba sa lain-lain nga syudad sa Russian Federation, upod na ang Moscow, kabisera sang Russia. Nagbalos ang Russia paagi sa malaparan nga pagbomba sa mga baryo sang Chechnya kag sang Grozny (kabisera sang Chechnya) mismo nga ikinamatay sang madamo nga sibilyan. Pagsapit sang Oktubre, sinalakay sang umabot sa 140,000 tropang Ruso ang naaminhan nga Chechnya kag gin-akupar ang sangkatlo sang teritoryong Chechen.

Ang kaso sang Chechnya wala sang daku nga kinatuhay sa kaso sang Kosovo. Pareho nga ginagatungan sang mga imperyalista ang ultra-nasyunalismo kag sobinismo kag pinag-kalayo ang mga tensyong etniko kag relihiyoso agud maglunsar sang gera kag tagaan rason ang imperyalistang pagpanghilabot kag ang pagdestino sang mga tropa sang US kag mga alyado sini sa rehiyon.

Ang mga tropa nanday Basayev kag Khatab ginapondohan, inaarmasan kag ginahanas man sang mga imperyalista. Nagabaton sila sang daku nga ayuda halin sa mga imperyalista nga ginapaagi sang ulihi sa mga reaksyunaryo nga maka-US nga rehimeng

**DAPAT
IBUYAGYAG
KAG TUM-OKAN
ANG
PAGPANGINDI
SA AGRESYON
SANG RUSSIA
SA CHECHNYA.**

**DETATSMENT SANG AFP SA
BUKIDNON, NIREYD, GINSUNOG**

Disi nuebe (19) nga mga matag-as nga kalibreng armas ang naagaw kag duha ka elemento sang Citizens' Armed Forces Geographical Unit ang napatay sang sulungon sang Bagong Hukbong Bayan(BHB) ang isa ka detatsment sang Philippine Army sa Bukidnon. Ang reyd ginlunsar sa detatsment sang 5th Special Forces Battalion sa Barangay Kagalangan, San Fernando sini nga Pebrero 12. Naagaw halin sa detatsment ang isa ka M60, siyam ka M14, anum ka garan kag tatlo ka M16. Naagaw man ang isa ka .38 kag isa ka .357. Antes ginlunsar ang reyd, ginutod sang mga gerilya ang mga linya sang kuryente kag komunikasyon sang detatsment agud wala makapagtawag sang *reinforcement* ang kaaway. Sinunog man nila ang detatsment antes sila umatras.

**KUMpanya SANG TELEPONO GINSILUTAN
SA NORTH COTABATO**

Ginsunog sang mga sumalakay nga gerilya sang Bagong Hukbong Bayan (BHB) ang *relay station* sang isa ka kumpanya sang telepono sa Makilala, North Cotabato sini nga Pebrero 4. Ginsilutan ang Smart Communications Inc., naga-obra sang mga *cellular phone*, bangud sa indi sini pagsunod sa mga layi kag polisa sa pagbuhis sang rebolusyonaryo nga kahublagan kag demokratiko nga gubyernong banwa.

3 SOLDALO PATAY SA TARLAC

Tatlo ka soldado ang napatay sa isa ka engkwentro sa tunga sang mga Pulang hangaway kag mga soldado sang 69th IB sa Tarlac. Ang away natabo sa Barangay Cut-cut, Syudad sang Tarlac sini nga Enero 6. Ang barangay nga gintabuan sang inaway bahin sang 6,000-ektaryang Hacienda Luisita nga ginapanig-iyahan sang pamilya sang daan nga presidente nga Corazon Cojuangco Aquino.

◀ Arabo nga nag-eksport sang lana. Suno sa isa ka pahayag, naghatag sang \$20 milyon ang Jordan sa mga *warlord* nga Chechen para sa pag-atake sa Daghestan.

Kon indi bangud sa ayuda nga ini hapos nga mapukan ang Chechnya, nga sa pihak sang grabe nga espiritu nga makig-away sang pumuluyo indi hamak nga mas gamay kag mas mahuyang kon ikumpara sa Russia. Sa pihak sang pag-agaw sang Russia sa Grozny, ginpadayon pa gihapon sang mga gerilyang Chechen ang inaway para sa hilway nga pungsod.

Padayon man nga pagahimuslan sang mga imperyalista ang sitwasyon sa Chechnya. Santo sa ila estratehikong interes nga magpadayon kag magtagumpay ang paghimakas sang Chechnya agud magpabilin ini nga independyente. Labi nga pabor sa ila kon mapatukod ang isa ka unipikado kag anti-Rusyang Islamikong republika sa rehiyon nga magsirbi nga dugang nga pangontra

sa Russia.

Samtang, kadungan sang kagamo nga tuga sang mga imperyalista ang malaparan kag hayagan nga paglapas sa mga kinamatarung nga pangtawo kag sa mga pangkalibutanon nga layi sang inaway, nga nagapangbiktima sa ginatos libong sibilyan kag nagabaton sang grabe nga pagtamay halin sa lain-lain nga pungsod sang kalibutan.

Pamatuod ini nga liwat nga indi mag-alang-alang ang monopolyo kapital nga isakripisyo ang kabuhi, kaayuhan kag kagamitan sang mga pumuluyo sang kalibutan sa altar sang superganansya.

Dapat ibuyagyag kag tum-okan ang pagpangindi sa agresyon sang Russia sa Chechnya. Dapat man nga pakamalauton ang pagpangsutsot sang mga imperyalista sang mga kagamo nga etniko kag relihiyoso agud tungaon ang mga pumuluyo sang kalibutan kag tiplangon sila sa dalan sang kahublagan nga anti-imperyalista kag sosyalista agud mahapos sila nga malutos kag mapangharian. **AB**